

五代史記注

五代史記卷第六十下

廬陵歐陽脩撰

徐無黨原注

南昌彭元瑞注

劉鳳誥排次

職方考第三

荆

南平

荆南

南平

南平

南平

南平

太平寰宇記州境東西五百五十里南北七百五十里
東至東京一千八百八十五里北至西京一千三百九
十五里西北至長安一千六百五十五里北至郢州三
百里東至復州陸路三百五十里水路八百五十里至岳
州水路三百三十里西北至襄州四百五十里西至岳
州水路五百七十里西南至澧州四百五十里西北至峽
州安遠界二百六十五里東北至郢州長壽縣界二百
二十里玉沙縣本梁開平四年分漢江南為白沙徵科
巡院皇朝乾德三年因之升為白沙縣監利縣晉屬南
郡梁開平三年以荆州割據遂屬荆州荆門軍本漢舊

縣隋時廢卽荆襄之要津唐貞元二十一年復置唐末
荆州高氏割據建爲軍領荆州當陽縣軍境東西三百
八十里南北三百二十五里東北至東京一千三百里
西北至西京一千七百里東至郢州漢江一百里西至
峽州界二百八十里南至荆南界一百五十里北至
襄州界一百七十里西南至荆南枝江縣界二百八十
里東南至荆南沅江縣界二百八十里西北至襄州南
漳縣界二百里東北至郢州襄州界漢江一百八十里
覽輿地廣記荆州五代爲南平王高氏所據方輿勝
覽高武信王神道碑云公旁帶一江接壤吳蜀舟車四
達又江陵以水爲險陸抗之策大堰建隆間高勉得
之名北海是也唐高從誨鑿城西南隅爲池築亭名曰
渚宮又江陵五代朱梁割據爲荆門軍王海穆昭
嗣對太祖曰荆南卽西川江南廣南都會也今已克此
則水陸皆可趨蜀

歸

蜀

南平

南平

南平

南平

太平寰宇記州境東西一百八十一里南北二百四十
八里東北至東京一千九百里東北至西京一千八百

四十五里東取江陵府路至長安二千九百一里東至
峽州二百里南至施州山路五百五十里北至房州山
路五百里東南至峽州界一百三十二里西南至夔州
一百三十二里西北至夔州界一百三十六里東北至
峽州界二百一十七里土產黃蠟貢入蜀記歸州天
慶觀有周顯德中荆南判官孫光憲為知歸州高從讓
所立碑從讓蓋南平王家子弟光憲亦知名
國史有事迹蓋五代時歸峽皆隸荆渚也

峽

蜀

南平

南平

南平

南平

太平寰宇記州境東西二百二十里南北二百九十五
里東北至東京一千六百里東北至西京一千八百二
十里東取江陵府大路至長安一千八百八十五里東
至江陵府三百四十里南取水路三百三十里西至歸
州二百里北至襄州五百七十里東南南至江陵府界一
百四十里西南至施州七百六十里西北至歸州界二
百三十里東北至江陵府界九十里土產葛
貢興地廣記峽州巴山縣五代時復置

益

蜀成

有後蜀

蜀

蜀

蜀

太平寰宇記州境東西一百五十三里南北一百七十七里東北至東京三千二百九十里東北至西京二千八百七十里東至長安二千一百一十里東至簡州七十里南至眉陵二州二百里東南至簡州一百五十里北至漢州一百一十里西至彭州導江縣界八十七里西南至蜀州一百一十里西南至邛州一百六十里西北至彭州九隴縣界七十五里東至漢州一百六十里土產按十道志云巴蜀土地腴美有江水沃野山林竹木蔬食果實之饒橘柚之園郊野之富號爲近蜀丹青文采家有鹽泉之井戶有橘柚之園紙維十色竹則九種邛竹蒟醬如今之大華撥又郡國志云嘉魚細鱗似鱖魚蜀中謂之拙魚蜀郡山中處處有之每年春從石穴出大者長五尺本草菜部苦茶一名游冬生益州山谷凌冬不死三月三日採乾爲飲令人不睡花有山茶出雅州紅類海石槲海棠花此樹尤多繁艷未開時如硃砂爛熳稍白半落如雪天下所無也桐花色白至大有小烏樵紅翠碧相間毛羽可愛生於花中唯飲其汁不食他物花落遂死人以蜜水飲之或得三四日性亂跳躑多抵觸便死蜀人畫桐花鳳翥卽此類也旌節榆紅似桃花極大長樂層以旌節葉碧類百合千葉刺榆紅似桃花極大長樂

花紅紫小蘇許公有賦茶蘼花香甚可以為酒九壁錦
按遊蜀記云成都壁村出美錦薛濤十色縑短而狹
纔容八行雪山朴硝其色如玉單絲羅高杆衫段交校
紗琵琶捍撥蜀漆銅盆菜有龍葵以上舊貢輿地廣
記成都府唐末王建據之而滅於後唐孟知祥又據之
方與勝覽五代孟蜀繼有其地而知府始於前蜀躍
龍池在成都縣東南十二里偽蜀王衍乾德元年以躍
龍池為宣華苑即此丹霞樓杜光庭續記云王建作即
檣杙所載孟知祥乞巧之所芙蓉城孟昶在蜀偕擬宮
苑城上盡種芙蓉謂左右曰真錦城也又唐置金堂
縣屬益州前後蜀遂因之文獻通考成
都府五代時王建孟知祥據蜀皆都其地

漢

蜀

有後蜀

蜀

蜀

蜀

太平寰宇記州境東西三百二十二里南北二百三十
四里東至東京三千五百三十六里東至西京三千一
百一十六里東至長安一千二百里東至梓州二百三
十里南至益州一百里正西微南至彭州一百里北至
綿州一百八十里東南至金水縣界六十八里西南至
益州一百里西北至彭州九隴縣界六十五里東北至

綿州一百八十五里 又懷安軍金堂縣晉天福初改為漢城縣後復舊

彭 蜀 有後蜀 蜀 蜀

太平寰宇記州境東西九十三里南北八十五里東至東京三千五百八十九里西至西京三千一百六十九里東至長安一千三百三十九里南至益州郫縣四十二里西至永康軍導江縣六十里南至益州郫縣四十二里北至漢州什邡縣七十里東南至益州一百五里西北至灌口路至茂州三百七十里西南至蜀州青城縣七十八里西北至茂州汶山縣二百七十四里永昌縣唐唐昌縣梁開平三年改為歸化縣後唐同光初復舊晉入福初為彭山縣後復舊今為永昌縣方輿勝覽忠濟王楊晟守彭州王建來攻晟曰此斗城也牡丹成都記載偽蜀王氏宣華苑所植多自梁儀間移本秦州董城村僧院紅牡丹至掘土方丈盛以木匣歷三千里而致之及孟氏以宣華名苑時彭門為輔郡典州者多其戚里得之上苑而彭門花之所始也天彭亦謂之花州而牛心山下謂之花村至德山在郡西三十里上有廣明院蜀王衍專事遊幸嘗登是山患其高險令於福唐

寺東別開一徑凡數里廣可二丈栽松砌石以達於寺從官悉騎以從

蜀

蜀

有後蜀

蜀

蜀

蜀

太平寰宇記州境東西三百四十里南北六十一里東至東京三千六百六十二里東至西京三千九百九十五里東至長安二千一百一十五里東至益州一百五里西南至邛州一百一十里西至青山八十里吐番界無路通北至彭州導江縣界四十五里東南至眉州二百里西北至彭州一百里東北至益州一百里永康縣偽蜀廣政十二年割郭信等八鄉就橫渠鎮置十六年升為永康縣以便於民輿地廣記永康縣本青城縣之橫渠鎮孟蜀廣政中置永康縣屬蜀州有天國山方輿勝覽唐末及五代蜀王建孟氏利有其地又唐後為威勝軍青城山杜光庭記云岷山連峯接岫千里不絕青城乃第一峯也此山前號青城後曰大面山其實一耳有七十二小洞應七十二候有八大洞應八節乃神仙都會之府也清都觀杜光庭尸解於此文獻通考蜀州前蜀析青城置永康軍

綿

蜀

有後蜀

蜀

蜀

蜀

太平寰宇記州境東西二百三十里南北一百七十五里東北至東京三千三百七十四里東北至西京二千九百五十四里東北至長安一千七百二十四里東至梓州一百三十里東至劍州二百里西至茂州取松嶺關路三百七十里北至龍州二百五十里東南至梓州二百五十里西南至漢州一百三十里西北至龍州一百三十里東北至劍州二百八十里

與地廣記綿州昌明後唐改曰彰明文獻通考綿州彰明唐昌明縣後唐改方輿勝覽綿州長寧軍僞蜀王建置清井刺史通鑑注清井在瀘州西南二百六十里史炤曰清井漢犍為郡之漢陽縣唐置長寧州

眉

蜀

有後蜀

蜀

蜀

蜀

太平寰宇記州境東西二百二十四里南北一百七十八里東至東京三千四百二十里東北至西京三千七十里東北至長安二千二百一十里東至陵州七十里西至邛州二百里南至嘉州二百四十里北至成都府二

百里東南至陵州一百里西南至雅州三百八十里西
南至邛州一百六十里東至陵州籍縣一百一十二里

嘉
蜀
有後蜀
蜀
蜀

太平寰宇記州境東西三百六十里南北二百六十里
東北至東京三千九百五十里東北至西京三千五百
一十里東北至長安二千七百三十里東至榮州二百
十里西南至戎州界山嶺險峻未詳里數西至眉州洪雅
縣界九十里北至眉州一百三十里東南至戎州水陸
三百五十里西南至嵩州生蠻界至百九十里西北至
眉州洪雅界一百六十里又至雅州三百二十里東北至
至陵州一百九十里土產水波綾貢羅目縣去州西南
二百七十里僞蜀明德
三年僚亂移於今所

劍
蜀
有後蜀
蜀
蜀

太平寰宇記州境東西二百八十里南北二百六十里
東北至東京三千二百里東北至西京二千七百里北
至長安二千里東北至利州二百里南至梓州三百六
十八里西至綿州二百里北至利州一百六十三里東

南至閬州三百里西南至綿州二百八十里西北至龍
州二百九十里東北至利州一百九十里土產絲布舊
貢梓潼縣百神廟景福大順之間廟遭兵火王氏僭號
夢見一百神人稱是梓潼百神未有祠宇王氏因重興
置與地廣記唐劍州晉安郡蜀王氏孟氏因之方
與勝覽五代時董璋遣兵扼劍門關爲七砦又於關北
置永定關龍巖在劍門縣西一里洞穴可坐百許人雪
齊小說云王建爲盜朝廷捕之急逃於劍門巨石穴中

梓

蜀劍南
東川

有後蜀一蜀

蜀

蜀

太平寰宇記州境東西三百六十五里南北三百六十
三里東北取綿州路至東京三千六百里東北至西京
二千九百三十里東北至長安二千里東至果州三百
五十里正南微東至普州三百四十六里西至漢州二
百三十里正北微東至劍州三百六十八里東南至遂
州一百八十五里西南至簡州一百八十五里西北至
綿州一百三十里東南至閬州三百一十五里正東微
南至果州二百五十里東關縣本鹽亭縣雍江草市也
僞蜀明德四年以地去縣遠徵輸稍難盜寇盤泊之所
因割樂平等三鄉立招葺院計徵二稅錢一萬三千貫

碩皇朝乾德四年平蜀升為縣取古關東地之名與
地廣記梓州東關縣有鼓樓山楊桃溪方輿勝覽梓州前
地置東關縣有鼓樓山楊桃溪方輿勝覽梓州前
蜀為武德軍文獻通考梓州東關蜀招葺縣宋改

遂

蜀

信武

有後蜀

蜀

蜀

蜀

太平寰宇記州境東西一百一十九里南北一百九十
里東北至東京三千八百里東北至西京二千八百八
十里東北至果州路至長安一千八百四十三里東至
果州流溪縣界四十里西至普州樂至縣界七十九里
南至合州銅梁縣界一百二十里北至梓州二百六十
里東至合州二百六十里西南至普州一百四十里東
北至果州西充縣界九十四里西北至梓州飛鳥縣界
九十五里方輿勝覽唐改為遂州改遂寧郡又復為
遂州又升武信軍節度唐節度使夏魯奇檄文有城如
斗有壁如金鼓樓山在蓬溪縣十里雙峰對峙高千餘
仞王蜀時嘗置鼓樓眺望烽火於其上又昌州五代
屬遂州藏馬崖在大足縣南相傳云王蜀時山中民任
氏產龍馬
日行千里

果

蜀

有後蜀

蜀

蜀

蜀

太平寰宇記州境東西二百四十五里南北未詳東北至東京三千一百三十里東北至西京二千七百一十里東北至長安一千八百五十里東至渠州二百八十里南至合州水陸相兼三百里北至閬州三百里東至廣安軍岳池縣界缺西南至遂州一百七十五里東北至蓬州二百一十里西北至閬州封山鎮界一百三十里土產絲布貢方輿勝覽果州偽蜀為永寧節度

閬

蜀

有保寧後蜀

蜀

蜀

五代會要閬州後唐天成四年十月升為保寧軍節度太平寰宇記閬州後唐天成四年升為保寧軍節度州境東西二百四十九里南北二百六十三里東北至東京二千九百六十里東北至西京二千四百一十里東北至長安一千五百五十里東至蓬州三百里西至劍州三百里北至利州二百九十里東北至果州三百六十四里西南至遂州二百七十里西北至梓州二百一十五里西北至劍州二百里東北至巴州二百八十里

里 輿地廣記閬州後唐升保寧軍節度 方輿勝覽
閬州 後唐爲保寧軍節度 文獻通考閬州後唐保寧
軍節度

普

蜀

有後蜀

蜀

蜀

蜀

太平寰宇記州境東西三百一十九里南北四百四十
里東北至東京三千四百四十里東北至西京三千二
十里東北至長安二千一百六十里東北至昌州大足
縣一百五十里南至資州三百七十八里西至簡州一
百八十里北至梓州飛鳥縣界一百八十里東南至合
州銅梁縣界二百九十里西南至資州盤石縣界一百
八十五里東北至遂州一百四十
里西北至簡州陽安縣三百里

陵

蜀

有後蜀

蜀

蜀

蜀

太平寰宇記州境東西一百二十七里南北三百一十
八里東北至東京三千四百九十里東北至西京三千
七十里東北至長安二千二百一十里東至資州二百
三十五里南至榮州三百六十里西至眉州八十里北

至成都二百里東南至榮州二百一十里南至嘉州九
十里西北至眉州一百里東南至簡州一百八十里土
產麩金續斷子貢 又陵井監偽蜀井塞研井在州南
一百三十三里偽蜀棧塞不開陵井在州南一百九里
偽蜀棧塞稜井在州南一百里偽蜀井已前廢律井在州
南九十里偽蜀井已前廢田井在州南一百五十一里偽
蜀井已前廢貴平縣一井上平井
在州東北九十三里偽蜀廢

資

蜀

有後蜀

蜀

蜀

太平寰宇記州境東西三百四十八里南北一百二十
四里東北至東京三千六百九十里東北至西京三千
二百九里東北至長安二千四百一十一里東至合州
六百五十六里南至榮州一百六十九里西至陵州二
百三十五里北至普州三百七十里東南至榮州一百
五十里西南至陵州二百六十里西北至簡州二百二
十里東北至普州
三百三十八里

榮

蜀

有後蜀

蜀

蜀

太平寰宇記州境東西二百五十里南北一百四十五里東北至東京三千七百七十里東北至西京三千三百五十里東北取資普二路至長安二千四百九十里東至合州五百里南至戎州三百一十里西至嘉州二百一十里北至陵州二百六十里東南至瀘州水陸相兼五百四十里西南至嘉州三百一十里西北至陵州三百三十里東北至資州二百一十九里土產班布舊貢

簡

蜀

有後蜀

蜀

蜀

蜀

太平寰宇記州境東西一百八十二里南北一百三十三里東北至東京三千四百四十里東北至西京三千二十里東北至長安二千一百七十里東至普州一百八十里南至資州二百二十里西至成都府七十里北至梓州一百五十里東南至資州一百五十五里西南至陵州一百八十里西北至成都府一百五十里東北至梓州三百一十里東北至普州二百四十里方輿勝覽唐分益州復置簡州又改陽安郡復爲簡州號清化軍

印

蜀

有後蜀

蜀

蜀

蜀

太平寰宇記州境東西二百八里南北一百二里東北至東京三千六百五十里東北至西京三千二百一十里東北至長安二千一十里東至蜀州一百一十里南至眉州二百里西南至羌戎界一百三十里以山爲界以西無郡縣相接絕無道路北至蜀州六十里東南至眉州一百六十里西南至雅州一百八十里西北至羌夷界一百二十里道路險阻更無郡縣東北至蜀州一百一十里

黎 蜀 有後蜀 蜀 蜀

太平寰宇記州境東西一百三十里南北一百五十六里東北至東京五千里東南至西京四千四百里東北至長安三千五百八十里東南至嘉州六百五十里東南至戎州無路以山川遠近測之可七百五十五里西至廊清縣一百八十里其城西臨大渡河河西則生羌蠻界北至盧山郡二百四十里東南至粟蠻部落二百里郡之四向周三五里皆是高山萬重漢源縣廢飛越城今廢入漢源 輿地廣記飛越縣五代之際省入漢源 文獻通考唐 黎州後廢飛越

雅

蜀

平永

有後蜀

蜀

蜀

蜀

太平寰宇記州境東西一百八十里南北二百三十九里東北至東京三千六百二十里東北至西京三千二百里東北至長安三千三百四十里東至邛州二百里南至郡管嚴道縣界一百五十里西至羈縻羅巖州界三百八十里北至邛州二百七十九里東南至眉州三百四十九里西南至黎州二百四十里西北至吐蕃野城縣界五百七十六里正東微南至嘉州三百二十里西北至吐蕃偏松故城九日程約五百里方輿勝覽孟氏置永平軍治雅州

維

蜀

有後蜀

蜀

蜀

蜀

太平寰宇記州境東西一百七十里南北二百六十里新四至八到東北至東京三千九百八十里東北至西京三千五百六十三里東至茂州汶川縣界一百三十里西至奉川縣界一百二十里南至黎州蕃界四百里北至茂州界二百里東南至雅州界六百里西南至黎州蕃界六百里東北至黎州石鼓縣二里西北至茂州

隴界二百四十里舊四至入到東北取成都府路至長
安二千七百十四里東至羈縻塗州二百三十里南至
當州界二百六十里西至悉州界二百三十二里北至
翼州界九十三里東南至吐蕃界一百六十里西南至
白狗嶺六十三里西北至羅厥橋一百三十里東至茂
州二百二十里保寧縣舊薛城在州治西南二百步偽
蜀永平二年改爲保寧縣方輿勝覽五代
王氏孟氏繼有其地徙就中州城卽今治也

茂

蜀

有後蜀

蜀

蜀

蜀

太平寰宇記州境東西二百里南北二百四十里東北
至東京三千四百二十里東北至西京三千三百四十里
路至西京三千五百五十三里東北取臨翼交川兩郡
至長安二千一百四十里東至綿州四百里南至彭州
三百里西至維州二百二十里北至翼州一百二十里
東南至漢州綿竹縣當管汶川汶山二縣界馬羈山二
十八里東南至成都府四百七十里西南至羈縻塗州
三百七十一里西北至吐蕃棲雞城下東北至龍州四
百九
十里

文

蜀

有後蜀

蜀

蜀

蜀

太平寰宇記文州唐末暨五代偽蜀孟氏相繼竊據其地州境東西三百里南北二百一十里東北至東京二千六百六十里東北至西京二千二百四十里東北至長安一千三百六十里東北至利州三百三十里南至龍州四百三十里西至陝州鎮蕃界一百五十五里北至階州二百一十五里東南至龍州四百三十里西南至蕃界八十里以赤磨嶺為界東北至武州盤鞬縣一百三十里西北至蕃界一百二十五里以大恭嶺為界土產麝香貢輿地廣記唐文州陰平郡蜀王氏孟氏因之

龍

蜀

有後蜀

蜀

蜀

蜀

太平寰宇記州境東西四百六十八里南北二百九十六里東北至東京二千九百三十里東北至西京二千五百一十里東北取利州路至長安一千六百五十里東至利州四百里南至綿州二百二十二里西至松州三百三十二里北至踰山至文州三百三十里東南至劍州三百二十里西南至茂州四百九十里西北至扶

州六百里東北取白坭川廢景谷縣至利州二百七十里正路亦二百七十里土產麝金舊貢 輿地廣記唐

龍州江油郡蜀王氏孟氏因之

黔

蜀武泰

有後蜀

蜀

蜀

蜀

太平寰宇記州境東西一千一百四里南北八百三十里西北至東京三千八百六十五里西北至長安三千六百五十五里取萬州路二千五百七十里西北至西京三千四百四十五里東至澧州一千五百六十四里南至夷州六百里西至涪州五百五十里北渡江山路至忠州六百里東南至思州三百里西南至播州八百七百里西北水路至涪州武龍縣二百七十里東北至施州七百四十里 輿地廣記黔州蜀王氏升武泰軍節度文獻通考黔州孟蜀為武泰軍節度

施

蜀

有後蜀

蜀

蜀

蜀

元豐九域志地理東京二千六百里東至本州界二百二十里自界首至峽州二百二十八里西至本州界二百二十

十里自界首至萬州三百四十五里南至本州界五百
一十五里自界首至高州二十五里北至本州界二百
里自界首至夔州一百二十五里東南至本州界二百
四十七里自界首至澧州三百八十里西南至本州界
一百三十六里自界首至黔州二百五十九里東北至
本州界二百四十五里自界首至夔州二百二十一里
西北至本州界三百五十一里自界首至夔州一百七
十七里與地廣記施州唐貞觀八年廢業州併焉天
寶元年日清化郡後復故二蜀因之方輿勝覽施州
磨嵯神廟在州治南百步按磨嵯山屬黔州界山極高
深洛浦蠻依為巢穴頗為邊患孟蜀王擊破之及祥符
中歸順故老云洛浦蠻犯邊神每以陰兵助官軍擊賊
靈跡顯著所在祠之

夔

蜀

江鎮

有後蜀

蜀

蜀

蜀

五代會要夔州後唐天成二年七月升為寧江軍節度
又天成三年五月夔州奏開新路至房州太平寰
宇記州境東取江陵府至長安二千四百一十五里東
至歸州三百三十里南至施州山路五百里西至萬州

水路三百里北至金州水路九百五十一里東南至歸州四百四十二里西南至施州六百六十二里東北至達州五百二十六里西北至開州四百五十六里土產蠟貢 又大寧監本夔州大昌縣前蜀煎鹽之所在縣西六十九里溪南山嶺峭壁之中有鹽井湧出土人以竹引泉置鑊煎鹽皇朝開寶六年置監以收課利 與地廣記夔州蜀王氏升鎮江軍節度後改曰寧江方與勝覽蜀主以施夔忠萬置鎮江軍治夔州後唐改寧江軍節度 又大寧監五代屬夔州 文獻通考夔州後唐寧江軍節度

忠

蜀

有後蜀

蜀

蜀

蜀

太平寰宇記州境東西一百六十里南北三百八里東至東京三千一百二十五里東取江陵府路至西京二千七百一十五里若取開州路至西京一千九百里東取江陵府路至長安二千九百七十五里東至萬州水路二百六十里南至黔州六百五十里西至涪州三百五十里北至渠州五百一十四里東南至萬州界四百五十六里西至涪州水路三百五十里南渡江山路至黔州四百里西取桂溪隣山二縣路至渠州五百里

輿地廣記唐貞觀八年改
曰忠州前蜀後蜀因之

萬

蜀

有後蜀

蜀

蜀

蜀

太平寰宇記州境東西二百二十八里南北四百五十
八里東至東京三千二百九十里東取江陵府路至西
京二千四百五十五里東取江陵府路至長安二千七
百一十里若取開州至長安一千六百里東至夔州水
路三百里西至渠州四百五十里南至施州六百八十
三里北至開州二百三十二里又有小路一百六十里
東南至施州清江縣三百四十里東南至忠州界九十
六里西北至通州四百里東北至瀘溪開州兩郡界一
百七十里土產金貢苦藥子貢
八年曰萬州前蜀後蜀因之
方輿勝覽萬州梁山軍
五代僞蜀在今軍治
置務田石氏屯田務

興

蜀

有後蜀

蜀

蜀

蜀

太平寰宇記興州僞蜀領順政長舉二縣州境東西二
百八十二里南北一百九十里東北至東京三千二百

三十里東北至西京一千八百一十里東北至長安九百五十里東北至興元府二百五十里南沿江至興元府三泉縣一百五十里南至利州五百五十里西至成州三百四十七里北至鳳州三百五十六里東南至興元府二百八十七里西南至武州覆津縣界二百五十里東北至鳳州河池縣界一百六十里 與地廣記唐興州順政郡蜀王氏孟氏因之

利

蜀

武昭

有後蜀

蜀

蜀

蜀

太平寰宇記利州僞蜀升為昭武節度唐平蜀因而不改州境東西四百一十里南北四百八十五里東北至東京二千五百三十里東北至西京二千一百一十里東北至長安一千二百五十里東至集州二百里西至龍州四百里南至閬州二百八十八里東南至閬州三百一十六里北至興元府四百三十三里西南至劍州一百九十里東北至興元府五百里西北至文州四百九十里 與地廣記利州蜀王氏昭武軍節度後唐改郡曰益州 方輿勝覽利州五代前蜀仍為昭武軍唐平蜀改曰益州後蜀因之唐周庠說王建曰葭萌四戰

之地難以久安蜀檣杭曰利州四會五達為奴山在錦谷山北六十里以李烏奴得名峭壁如削有洞高不可上五代時王真人舉家上昇於此漫天嶺長編乾德二年王師伐蜀蜀主燒絕棧道退保葭萌遂擊金山寨又破漫天寨蜀人退保大漫天寨拔之退至利州通鑑注泥溪後唐伐蜀還魏王繼岌與李紹琛軍行次舍泥溪當在劍州北利州界文獻通考唐利州後廢景谷孟蜀昭武軍節度

開

蜀

有後蜀

蜀

蜀

蜀

太平寰宇記州境東西一百八十八里南北一百二十里東至夔州雲安縣龍目驛一百九十里從驛路至夔州二百二十里北至東京二千七百一十里至西京二千七百九十里若從江陵水路陸路相兼至洛陽二千六百八十里北取通洋兩州路至長安一千四百三十里南至萬州小路一百六十里大路二百里西至達州四百九十里東北至萬州梁山縣一百五十三里西北至達州石鼓縣一百二十八里東北至姚州界二百八里土產車前子貢興地廣記唐武德元年曰開州前蜀後蜀因之

通

蜀

有後蜀

蜀

蜀

太平寰宇記州境東西一千四百三十里南北六百二十里東北至東京三千二百九十里東北至西京取開州下水經三峽出江陵至襄鄧汝等州陸路共二千八百九十里東北至洋州取駱谷路至長安一千五百七十里取利州驛路二千五百里東至夔房等州界計一千二百八十里西至渠州界四百一十里東南至開州二百七十里西南至渠州六百里水路二百五十里東北至金州一千一百里西北至巴蓬等州界二百五十里土產挺子白膠香貢與地廣記唐武德元年日通州蜀王氏孟氏因之通明院本唐宣漢縣地偽蜀置通明院以催科稅賦

涪

蜀

有後蜀

蜀

蜀

太平寰宇記州境東西六百九十里南北九百一十里東至東京歸峽路三千四百五十七里東取江陵府路至西京三千六百五里東至萬州水路六百一十里自萬取開州通州官化縣及洋州路至長安二千二百四

十里東取江陵府路至長安水路相兼三千三百二十
五里東至忠州三百五十里南至黔州水路三百四十
里西至渝州四百六十里水路三百四十里北至忠州
三百九十六里東南至黔州四百九十里西北至渠州
隣山縣二百七十里東北至忠州三十里東至江陵府
水路一千七百七十里與地廣記唐涪州涪陵郡前
蜀後蜀因之

渝

蜀

有後蜀

蜀

蜀

蜀

太平寰宇記州境東西三百四十里南北四百二十里
東北至東京四千九十里東北至西京三千六百七十
里東北至汴流取合州路至長安二千八百一十里東至
涪州四百六十里水路三百四十里西至合州二百里
南至南平軍二百六十里北至渠州四百四十里東南
至涪州樂溫縣一百一十七里西北至渠州鄰水縣二
百里土產茶貢與地廣記唐武
德元年曰渝州蜀王氏孟氏因之

瀘

蜀

有後蜀

蜀

蜀

蜀

太平寰宇記州境東西四百七十八里南北五百六十
三里東北至東京水陸一千四百九里東北至西京二
千八百二十里西沂流至資州六百三十里自資州陸
路至長安三千三百三十里計二千九百六十里東至
渝州七百六十里南至土納州都寧縣界三百二十里
西至戎州三百二十里東北至合州五百四十一里東南
至土納州四百五十里東南至戎州南溪縣界一百七
十七里西北至榮州四百六十里東北至渝州萬壽縣
二百九
十里

合 蜀 有後蜀 蜀 蜀

太平寰宇記州境東西一百六十里南北二百四十里
東北至東京三千九百五十里東北至西京三千五百
一十里東北至長安三千六百五十里東至渝州二百
里水路一百六十里西至瀘州六百六十二里西至遂
州水路三百八十里陸路二百六十里北至廣安軍一
百二十里東南至渝州界二百五里西北至瀘州五百
九十里東北至果州二百里
西北至普州六百六十里

昌

蜀

有後蜀

蜀

蜀

蜀

太平寰宇記州境東西三百六十里南北三百二十里
 東北至東京三千八百三十里東北至西京三千七百里
 里東北至長安二千三百里東至合州一百八十里西
 至資州二百三十里南至瀘州七百二十里北至普州
 二百六十里東南至渝州七百二十里西南至榮州三
 百七十里西北至資州四百一十里東北至普州四百
 里土產
 金貢

巴

蜀

有後蜀

蜀

蜀

蜀

太平寰宇記州境東西一百二十里南北一百四十里
 東北至東京三千六十四里西北至西京二千八十里
 東北取巴嶺路至長安一千二百二十里東至壁州九
 十里西至閬州二百一十里南至蓬州一百六十里北
 至集州一百三十七里東南至達州三百七十里西南
 至蓬州二百一十里東北至壁州界五十五里西北至
 集州一百八十里
 孟氏因之恩陽縣唐萬歲通天元年復置二蜀因之

蓬

蜀

有後蜀

蜀

蜀

蜀

太平寰宇記州境東西一百五十里南北一百八十七里東北至東京二千二百里東北至西京二千二百九十里東北取巴嶺路至長安一千四百四十里取閬州路一千七百六十里東至達州四百四十里南至渠州一百九十里南至開州六百八十里西南至果州二百八十里正東南至達州三百二十里西北至渠州官路二百一十里東北至壁州三百六十里西北至利州五百五十里與地廣記唐蓬州咸安郡蜀王氏孟氏皆因之

集

蜀

有後蜀

蜀

蜀

蜀

太平寰宇記州境東西一百九十一里南北一百九十六里東北至東京約二千八百里東北至西京一千九百一十里取地平縣至利州驛路二千六百一十里東北取巴嶺路至長安一千四百一十里東至壁州取符陽縣路二百七十里正南微西至巴州一百八十里西至利州三百里北至興元府二百七十里東南至壁州五百里西南至

巴州一百八十里西北至利州界
二百五十里東北至洋州四百里

壁

蜀

有後蜀

蜀

蜀

蜀

太平寰宇記州境東西二百六十里南北三百八十里
東北至東京三千四百里東北至西京三千里北取洋
州路至長安二千里北取洋州興道縣五百四十里西
至巴州一百五十里南取廣納路至巴州歸仁縣一百
七十八里東至所管東巴縣二百三十里縣東與通州
東鄉縣接界東至通州三百七十里土產馬鞭貢段
氏蜀記壁州進貢鞭諸道不及

渠

蜀

有後蜀

蜀

蜀

蜀

太平寰宇記州境東西一百四十五里南北二百六十
六里東北至東京三千五百二十里東北至西京三千
一百里東北至長安二千六百里東至涪州四百五十
里南至合州新民縣界一百七十里西至果州二百八
十里北至達州六百里東南至涪州二百七十里西南
至果州岳池縣界一百一十九里西北至蓬州官路二

百二十里私路一百九十里西北至合州水路約四百里東北至蓬州水路二百五十里

戎

蜀

有後蜀

蜀

蜀

蜀

太平寰宇記州境東西一百五十里南北一百二十里東北至東京四千三百五十里東北至西京三千九百五十里東北取嘉眉二州水路至長安二千七百里東至瀘州富順監界三百八十七里西至樊道開邊團界連羈縻武昌州二千五百七十七里南至南溪縣羈縻馬湖江蠻界武昌州三千三百七十七里北至榮州三百十里東南至瀘州綿水縣界一百五十四里西南至馬湖江蠻界一千三百七十七里東至嘉州五百六十八里至玉津縣三百二十里西北至嘉州五百六十八里至玉津縣三百二十里西南取曲協州并南寧州安寧監井路至南詔所居羊咀畔城二千三百里

梁

蜀

山南西道

有後蜀

蜀

蜀

蜀

五代會要天成三年二月興元府奏修斜谷開道二千八百餘間 太平寰宇記州境東西一百二十五里南

北四百八十里東北至東京取斜谷路二千五百三十
三里取洋州駱谷路一千九百六十三里東北至西京
取駱谷路一千五百八十里取斜谷路一千七百八十
九里驛路二千七百八十里東北至長安取駱谷路六
百五十二里取斜谷路九百三十三里驛路一千二百
一十三里東至洋州二百二十里南取巴嶺路至集州
三百里西至集州五百里北取太白山路至鳳翔府六
百七十里東南至洋州三百九十里西南至利州三百
九十里西北至興州二百八十里東北至洋州興道縣
界八十六里西北取斜谷橋閣路至鳳州三百八十里
土產胭脂貢蠟紙貢興地廣記興元府朱梁時王建
得其地後唐克之為孟知祥所有周顯德中節度使張
虔釗以地歸附方輿勝覽梁州唐末岐蜀交兵始成
三泉後唐伐蜀戰於三泉文獻通考興元府唐褒州
王蜀改天
義軍後復

洋

蜀

武定

有後蜀

蜀

蜀

蜀

五代會要天成三年四月洋州奏重開入蜀舊路比今
官路近二千五十 太平寰宇記州境東西二百四十

里南北五百九十里東北至東京一千九百一十里東
 北至西京一千四百九十里東北至長安六百四十里東
 東至金州五百里西至興元府二百二十里南至壁州
 山路五百四十里北至盤屋縣五百里東至真符縣界
 一十九里西至興元府城固縣界三十五里南至西鄉
 縣界四十里北至真符縣界三十五里東南至西鄉縣
 界四十八里西南至興元府城固縣界一百里方輿
 勝覽蜀避孟知祥諱改為源州通鑑注徧考新舊唐
 志及九域圖志寰宇記皆不載源州建置之由與其地
 歐史職方考曰州縣凡唐故而廢於五代者若五代所
 置而見於今者及縣之割隸今因之者皆宜列以備職
 方之考其餘嘗置而復廢嘗改割而復舊皆不足書則
 知源州蓋蜀所置而尋廢此其所以無傳同光之克蜀
 也得州六十四見於職方考者五十三州而已如源州
 等蓋皆六十四州之數按薛史後蜀潘仁嗣授武定節
 度使源壁等州觀察營田處置等使周師攻秦鳳孟貽
 業駐軍平利為褒源之援則
 蜀置源州屬武定軍節度

潭

楚

安武

楚

楚

楚

周行逢

元豐九域志地里東京二千七百里東至本州界二百五十里自界首至袁州二百五里西至本州界二百一十里自界首至衡州四十里北至本州界三百七十里自界首至衡州八十五里東南至本州界三百六十五里自界首至岳州二百三十三里西南至本州界二百九十八里自界首至邵州一百二十五里東北至本州界一百八十五里自界首至岳州一百里西北至本州界二百一十七里自界首至鼎州二百里與地廣記潭州長沙縣唐末馬氏父子竊據其地後為南唐所取攸五代時來屬文獻通考潭州梁以衡州攸縣來屬

衡

楚

楚

楚

楚

周行逢

元豐九域志地里東京二千七百里東至本州界三百里自界首至吉州二百四十三里西至本州界一百三十里自界首至邵州一百五十五里南至本州界一百九十里自界首至桂陽監九十里北至本州界九十二里自界首至潭州三百九十里東南至本州界二百一十里自界首至郴州二百二十里西南至本州界

七十五里自界首至永州一百三十五里東北至本州界一百八十五里自界首至潭州三百五十四里西北至本州界九十二里自界首至潭州三百八十四里
文獻通考衡州梁以攸縣屬潭州

澧

楚

楚

楚

楚

周行逢

元豐九域志地里東京一千八百里東至本州界一百三十七里自界首至岳州一百六十八里西至本州界一千三百六十六里自界首至黔州四百三十七里南至本州界九十里自界首至鼎州九十里北至本州界七十里自界首至江陵府二百三十里東南至本州界一百三十九里自界首至鼎州一百二十里西南至本州界八十九里自界首至辰州三百一十里東北至本州界一百二十里自界首至江陵府三百四十里西北至本州界一百八十五里自界首至峽州三百一十五里

朗

楚

楚

楚

楚

周行逢

五代會要周廣順三年正月四日勅頃者淮海陸梁舉干戈而入寇湖湘覆沒致黎庶之倒懸惟彼武陵素稱

雄鎮連營比屋皆懷勇烈之心戮力協謀盡復江山之
境宜降褒崇之命以升忠義之邦俾列大藩永率南夏
其朗州宜升為大都督府在潭桂之上元豐九域志
鼎州唐朗州周為武平軍節度地里東京一千八百二
十里東至本州界三百五里自界首至岳州二百四十
五里西至本州界二百四十六里自界首至辰州二百
三十三里南至本州界一百六十五里自界首至潭州
二百一十七里北至本州界九十里自界首至岳州四
十里東南至本州界一百一十里自界首至岳州四百
四十里西南至本州界九十里自界首至潭州二百九
十二里東北至本州界三百三十里自界首至澧州一
百二十里西北至本州界二百五十六里自界首至辰
州二百一十里與地廣記橋江五代時屬朗州方
輿勝覽朗州後唐為武平軍文獻通考鼎州唐朗州
後唐為武正軍節度又
改武平軍周為大都督

岳

楚

楚

楚

楚

周行逢

元豐九域志地里東京一千八百一十六里東至本州
界一百三十七里自界首至鄂州三百七十里西至本

州界一百八十里自界首至澧州三百五十里南至本
州界九十里自界首至潭州一百九十里北至本州界
二百二十里自界首至鄂州三百四十里東南至本
州界三百八十里自界首至洪州七百二十里西南至本
北至本州界一百三十五里自界首至鄂州三百二十五里東
西北至本州界一百二十五里自界首至鄂州三百二十五里
九十五里與地廣記岳州昌江後唐改曰平江
陽風土記閤子湖本角子湖語訛以其在洞庭之角故
謂之角子湖灘湖亦謂之閤子湖楊行密以木籠鎖舟
之地又平江本漢羅縣後分長沙為漢昌縣隔平陳省於
縣立漢昌郡以魯肅為太守改為吳昌縣以界內昌江名
湘陰縣唐神龍三年又改為吳昌縣以界內昌江名
之嘗隸潭今隸岳後唐改平江其民善爭訟有犯輒竄
他界公事比之巴陵數倍臨湘縣本巴陵故地唐清泰
年置王朝場以便人戶輸納皇朝淳化五年升為縣治
至道二年改曰臨湘
考岳州平江唐昌江縣後唐改

道

楚

楚

楚

楚

周行逢

周行逢

十

州界一百一十五里自界首至邵州一百里方輿勝覽五季後周時我藝祖皇帝以勝敵雋功加永州防禦使文獻通考永州晉以湘源灌陽二縣屬全州

邵

楚

楚

楚

楚

周行逢

元豐九域志地里東京三千里東至本州界一百五里自界首至潭州四百三十里西至本州界四百八十五里自界首至辰州一百六十五里南至本州界九十五里自界首至永州一百六十五里北至本州界三百五十里自界首至衡州一百里東南至本州界九十五里自界首至全州二百三十九里東北至本州界二百七十五里自界首至潭州三百八十里西北至本州界二百三十里自界首至辰州四百二十里

全

楚

馬希範置

楚

周行逢

元豐九域志地里東京三千里東至本州界九里自界首至永州八十五里西至本州界九

十二里自界首至桂州一百六十九里南至本州界一百七十里自界首至昭州八十里北至本州界八十七里自界首至邵州四百三十三里東南至本州界五十五里自界首至道州九十里西南至本州界四十五里自界首至桂州九十八里東北至本州界八十里自界首至永州一百一十五里西北至本州界六十五里自界首至邵州六十五里

辰

楚

楚

楚

楚

周行逢

元豐九域志地里東京二千二百八十里東至本州界二百三十三里自界首至鼎州二百三十三里西至本州界三百六十里自界首至沅州一百九十里南至本州界五百二十里自界首至邵州三百四十五里北至本州界四百八十里自界首至澧州三百四十五里東南至本州界五百二十里自界首至潭州六百二十里西南至本州界二百六十四里自界首至沅州一百九十里東北至本州界四百六十六里自界首至鼎州一百九十三里西北至本州界四百六十六里自界首至鼎州一百九十三里與勝覽辰州銅柱銘在會溪城一里天福五年溪州刺史

史彭士愁納土求盟楚王馬希範求于朝以立之學
士李臯為銘 通鑑注辰陽地名馬氏置縣屬辰州

融 楚 楚 楚 南漢 南漢

太平寰宇記州境東西三百六十二里南北九百三十
七里東北至東京四千七十二里東北至西京四千四
百七十里北至長安取桂州路五千二百七十里東至
柳州洛容縣界三百一十里西至宜州東零縣界二百
里南至柳州二百三十里北至敘州一千六百里以郎
溪縣分界水路處即三百八十五里東南至柳州龍城
縣一百五十里東北至桂州古縣場界一百里西北至
古州水路入百九十里西南至宜州三百五十里土產
金貢 輿地廣記融 州五代為南漢所有

柳 楚 楚 楚 南漢 南漢

元豐九域志地里東京三千五百里東至本州界二百
八十里自界首至虔州三百八十里西至本州界三十
八里自界首至桂陽監三十二里南至本州界一百里
自界首至韶州三百三十里北至本州界一百一十五

里自界首至衡州一百七十二里東南至本州界二百
八十里自界首至虔州三百八十里西南至本州界二
百八十五里自界首至連州一百二十里東北至本州
界二百二十里自界首至衡州六十七里西北至本州
界一百五十七里自界首至衡州一百三十里與地
廣記郴州義昌後唐改曰郴義桂陽監自五代以前地
理與郴州同後置桂陽監平陽縣五代時廢焉文獻
通考郴州晉改爲敦州廢臨武高平二縣以其地入桂
陽監又廢資興
縣漢復爲郴州

連

楚

楚

楚

南漢

南漢

元豐九域志地里東京三千四百八十九里東至本州
界一百七十里自界首至韶州三百四十里西至本州
界一百二十五里自界首至賀州一百四十四里南至
本州界一百一十里自界首至廣州七百八十里北至
本州界一百四十七里自界首至桂陽監五十八里東
南至本州界八十七里自界首至韶州四百二十三里
西南至本州界六十里自界首至封州五百四十四里
北至本州界七十六里自界首至郴州三百一十四里

輿地廣記連州唐末爲楚馬氏所有後入南漢

南漢

時爲楚馬氏所有後入南漢

南漢

與地廣記宜州五代時爲楚馬氏所有

後人南漢 文獻通考宜州五代時爲
楚馬氏所有後入南漢省崖山東墜

桂

楚靜江

楚

楚

南漢

南漢

太平寰宇記州境東西六百里南北五百五十里北至
東京陸路三千六百七十九里水路四千六百三十里
北至西京陸路三千四百五里水路四千三百二十里
里北至長安三千七百五里東至昭州陸路二百三十
里南至象州陸路五百二十里西至柳州五百四十里
北至道州陸路四百八十里東南至賀州五百三十一
里西北至融州陸路四百九十里東南至梧州水路六
百三十里西北至西演嶺接敘州郎溪界一百五十里
慕化縣梁開平元年復爲歸化縣後唐同光初復爲慕
化縣武寧縣晉天福八年析靈川縣歸義爲場復升爲
義寧縣輿地廣記全義石晉開運三年馬希範奏立
溇州改縣爲德昌後復爲全義 文獻通考靜江府湖
南馬氏置義寧縣永
寧唐豐水縣梁改

賀

楚

楚

楚

南漢

南漢

太平寰宇記州境東西三百三十里南北五百七十里
東北至東京三千一百六十里西北至西京三千五百
七十二里西北至長安四千一百九十二里東至連州
三百六十六里南至封州三百六十一里西至韶州龍
川縣三百六十六里北至道州三百四十五里東南至廣州
入百七十五里西南至梧州四百一十二里西北至桂
州五百六十里東至永州隔山嶺無路土產蚺蛇膽
貢與地廣記賀州五代為楚馬氏所有後入南漢

梧
楚
楚
南漢
南漢

太平寰宇記州境東西一百七十里南北三百五十六
里西北至東京五千里西北至西京五千四百里西北
取桂州路至長安六千三百里東至封州五十里西至
藤州一百五里南至義州二百七十五里北至賀州二
百六十里西至沿流至舊富州三百二十里西南至流
至藤州一百里東至東北至賀州四百一十里正南微西至
義州三百里與地廣記梧州
五代為楚馬氏所有後入南漢

蒙
楚
楚
楚
南漢
南漢

太平寰宇記州境缺西北至東京五千六百七十五里
西北至西京五千九百七十二里西北至長安五千五
百一十二里東至廢富州九十里南至龔州陸路三百
五十里西至桂州九十里北至梧州嶺九十里西北至桂
州龔州三百五十里東至廢賀州富川縣北郁洞二百
里荔浦縣八十里東北至廢賀州富川縣北郁洞二百

嚴

楚

楚

楚

南漢

南漢

富

楚

楚

楚

南漢

南漢

柳

楚

楚

楚

南漢

南漢

太平寰宇記州境缺東北至東京四千一百六十里東
北至西京五千六百一十里北至長安五千四百七十里東
至桂州五百四十里東南至象州一百六十里南至貴
州三百里南至羈縻歸儀州二百四十里西南至舊嚴
州二百四十里西至宜州二百里北至貴州四百七十
里北至融州陸路三百三十里水路三百八十里土產

銀貢 輿地廣記柳
州五代為南漢所有

象

楚

楚

楚

南漢

南漢

太平寰宇記州境東西四百二十七里南北二百五十七里東北至東京四千二百六十里北至西京四千六百八十五里北至長安五千九百二十里東至龔州二百六十五里不通馬西至柳州象縣一百六十里東南至潯至貴州三百里北至柳州象縣一百六十里東至潯州桂平縣一百五十里西至澄州界二百一十七里東北至西唐州一百九十里西北至柳州二百里 輿地廣記象州五代為楚馬氏所有後入南漢武化縣五代省時

容

南漢

南漢

南漢

南漢

南漢

太平寰宇記州境缺東北至東京五千一百九十九里西京五千四百八十里北取藤州路至長安五千九百一十里東至藤州路二百五十九里西至寶州二百里西至禹州一百八十里北至龔州二百里東北至藤州

陸路二百一十里水路三百二十里西南至牟州一百二十里東北至南儀州九十里西北至黨州一百五十里

邕

南漢

建武

南漢

南漢

南漢

南漢

太平寰宇記邕州晉天福七年改爲誠州以避廟諱漢初復舊州境東西八百八十里南北三百七里北至東京五千里北至西京五千三百二十七里東水路至舊鬱州三百四十二里西水路至舊田州六百四十二里南至舊潯州二百八十里北至舊澄州二百七十六里東南陸路至欽州三百二十五里西南至田州六百四十二里西北陸路至思州四百九十二里東北至賓州二百五十七里

端

南漢

南漢

南漢

南漢

南漢

太平寰宇記州境東西一百五十七里南北一百四十三里東北至東京五千三百里西北至西京五千三百里西北取韶柳路至長安六千一百一十里東至廣州二百四十里西至康州水路一百九十六里南至廣州信安

縣一百七十五里北七里至北山其山重疊中無百姓
山北卽是廣州四會縣界東南水路至廣州新會縣三
百八十里西南至新州一百八十一里西北至康州四
百三十里東北至廣州四會縣一百八十里 輿地廣
記端州五代
爲南漢所有

康

南漢

南漢

南漢

南漢

南漢

太平寰宇記州境東西三百三十五里南北五百九十
里西北至西京五千一百五十里西北至梧州一百三
十里南至高州五百八十里北至廣州化蒙縣一百九
十里東北至新州新興縣一百八十里東南至賓州三
百二十里東北至廣州懷集縣二百里東北至封
州一百里 輿地廣記康州五代爲南漢所有

封

南漢

南漢

南漢

南漢

南漢

太平寰宇記州境東西一百一十七里南北二百九十
四里北至東京水陸相兼五千里西北至西京水陸相
兼五千五百里西北取桂州路至長安六千五百八十
里東至廣州五百餘里西至梧州六十九里南至康州

一百三十里北至賀州三百六十六里東南至康州一百二十四里西南至康州一百一十三里東北至廣州一泮水縣一百六十里西北至梧州五十五里土產鮫魚皮貢 輿地廣記封州五代為南漢所有

恩

南漢

南漢

南漢

南漢

南漢

太平寰宇記恩州後唐清泰元年升為防禦州州境東西四百里南北六十里北至東京五千三百二十里北至西京五千七百五十五里北至長安取廣韶郴等州路五千九百六十五里東至康州海路五百里江路六百五十里陸路七百里西至高州二百里南至海州二百里北至春州一百里東南至海晏軍一百一十里西南至大海無崖東北至信安縣二百五十里西北至春州春陽縣九十里土產金銀已上貢 輿地廣記恩州五代為南漢所有

春

南漢

南漢

南漢

南漢

南漢

太平寰宇記州境東西二百三十里南北二百八十里北至東京五千三百里北至西京五千四百五十里西

北取端州路至長安五千七百里東至新州二百六十里西至賓州界三百二十里南至恩州二百六十里北至康州四百七十里東南至恩州一百七十六里東北至新州三百一十里西南至高州二百一十里西北至康州三百二十里

新南漢南漢南漢南漢南漢

太平寰宇記州境東西二百七十四里南北二百九十里東北至東京水路五千四十一里西北至西京五千四百一十一里西北至長安取端州路五千二里東至康州悅城山爲界一百三十里東至廣州二百七里南至恩州三百八十里北至端州一百三十五里東南至廣州義寧縣五十四里東北至端州一百一十里西北至舊勤州一百五里西南至春州六百六十里土產金舊貢輿地廣記新州五代爲南漢所有

高南漢南漢南漢南漢

太平寰宇記州境東西二百四十里南北一百六十里北至東京二百六十里北至西京五千五百二十里西

北至長安六千二百六十二里東至廣州一千二百里
西至賓州九十里南至化州三百四十里北至廢瀧州
一百七十里東北至春州三百四十里西南至化州一
百五十里西北至賓州一百里西南至廢潘州八十五
里土產蚺蛇膽貢與地廣
記高州五代爲南漢所有

賓
南漢
南漢
南漢
南漢

太平寰宇記州境東西一百三十里南北一百六十里
西北至東京五千里西北至西京五千三百五十五里
西北至長安取瀧康東路六千二百二十一里東至高
州一百里西至舊潘州一百六十里西至舊禺州二百
五十里北至南儀州二百二十里東北至舊瀧州二百
四十里西北至容州一百二十里正東微西至南儀州
二百二十里西南至舊潘州八十里東
南至本州長樂里連接高州良德縣界

雷
南漢
南漢
南漢
南漢

太平寰宇記州境東西一百八十里南北二百六十五
里北至東京五千一百里北至西京五千九百三十一

里西至長安五千八百三十五里北至羅州二百四十里東至海岸二十里渡小海抵化州界地名礪州泛海通恩等州併淮浙福建等路南至海一百三十里遞場瓊州對岸又云渡小海至崖州四百二十里西至海六十里圍州通連安南諸蕃路東北二十五里至化州理吳川縣入江上水至化州五程至廣州二千里東南一百四十里至海泛海入瓊西北至羅州零緣縣界一百六十里西南一百三十里泛海至儋州岸不刻里限交趾路嶺表錄云交趾迴人多捨舟取雷州緣岸而歸不憚辛苦蓋避海鱷之患也海康縣朱梁開平三年會移州於驚雷江源至劉氏僞命日却歸海康與地廣記雷州爲南漢所有

化 南漢 南漢 南漢 南漢 南漢

韶 南漢 南漢 南漢 南漢 南漢

太平寰宇記州境東西二百八十五里南北二百九十五里東北至東京二千九百四十里西北至西京取柳州路四千一百四十二里西南至長安取柳州路四千九百三十二里東至須陽嶺與南雄州始興縣分界南

至廣州水陸相兼五百三十里西至連州山路險峻五百里北至當州崑崙鎮與義郴縣分界東南至當州玉湖鎮與英州滇陽縣分界西南至當州黃土嶺與英州含光縣分界西北至郴州四百一十里東北至虔州五百五十里與勝覽韶州九朝通略潘美長驅至韶州奏云漢方與勝覽韶州九朝通略潘美長驅至韶州奏云此地越之北門也文獻通考唐韶州後改須昌為保昌南漢以保昌隸南雄州

藤

南漢

南漢

南漢

南漢

南漢

太平寰宇記州境東西一百六十里南北一百三十里西北至東京六千二百里西北至西京六千六百里東北至長安六千八百里南至義州二百里北至舊州改為隆興州一百四十里南至義州二百里北至舊州改為隆興縣一百一十里東南至南儀州界一百六十里西南至容州陸路二百一十里水路三百二十里東北至梧州盧陵縣界一十五里沿流至梧州一百里西北至蒙州東區縣一百四十一里與地廣記藤州五代時為南漢所有

白

南漢

南漢

南漢

南漢

南漢

太平寰宇記州境東西二百七十里南北一百五十里東北至東京五千四百里東至西京五千九百一十五里北至長安六千一百七十五里東至化州三百里東至羅州二百二十里西至太平軍石康縣界一百二十里北至鬱林州南流縣界三十里東北至順州七十五里東南至化州廉江縣界一百三十里西南至廉州二百三十里西北至鬱林州南流界三十里

廉

南漢

南漢

南漢

南漢

南漢

太平寰宇記太平軍本廉州太平興國八年廢廉州建太平軍其廉州併入石康一縣輿地廣記廉州五代為南漢所有

欽

南漢

南漢

南漢

南漢

南漢

太平寰宇記州境缺北至東京五千四百里北至西京五千八百二十里北至長安取橫貴象州路六千六百

六十里東至廣州三百三十里西至瀘州五百八十里
南至大海一百三十里北至橫州三百一十里東南至
廉州七百里西南至陸州七百四十里東北至貴州四
百六十里土產有麵桂二山出餘甘子一名菴羅果舊
貢輿地廣記欽州
五代爲南漢所有

廣

南漢

清海

南漢

南漢

南漢

南漢

太平寰宇記廣州唐末劉鋹割據稱僞漢州境東西五
百三十里南北五百九十里長安五千二百五十里東至
西京四千四百里西北至長安五千二百五十里東北至
循州水路沂沿相兼四百里陸路三百六十里正西微
北至端州沿沂相兼二百四十里南至恩州五百里北
至韶州八百里東至恩州水路由六百里西北水路由
四十一里西南至恩州又西北取故潯水縣路至賀州八
連州八百里九十里又西北取故潯水縣路至賀州八
七十六里南海縣本漢番禺縣屬南海郡分番禺置南
海縣先是廣州僞命日析南海郡爲常康咸寧二縣及
永豐重合二場皇朝平南越開寶六年併二縣及二場
依舊爲南海縣并廢番禺縣輿地廣記廣州五代爲

南漢劉氏所據 方輿勝覽廣州劉王花塢乃劉氏林園在郡治六里名泮唐 文獻通考廣州南漢置

寧以滇陽 屬英州

橫

南漢

南漢

南漢

南漢

南漢

太平寰宇記州境東西二百四十五里南北二百五十五里北至東京四千二百一十里北至西京四千四百五里北至長安五千一百三十五里西至邕州界二百二十里東至貴州界八十里至廣州一千一百一十五里南至欽州界一百二十里北至賓州抵大山無路約二百六十里東南至大江五十步西北至賓州一百五十里西至欽州一百七十五里東北至賓州一百三十五里 輿地廣記橫州五代為南漢所有

賓

南漢

南漢

南漢

南漢

南漢

太平寰宇記州境缺東北至東京五千里東北至西京五千五百三十五里北至長安五千五百一十五里西北至澄州八十八里通典云一百二十里南至潯州二百五十里東至貴州潮水縣界九十七里東北至嚴州

縣馬嶺為界一百里東北至象州三百二十里北至象州武化
與勝覽賓州五代蠻獠雜處郡治遷徙靡定 方

潯

南漢

南漢

南漢

南漢

南漢

太平寰宇記州境東西五百里南北缺東北至東京四
千八百里東北至西京五千七百里北至長安取梧桂
路五千九百六十里取象州水路四千四百三十五里東
至龔州一百二十里至廣州水路九百二十五里西至
邕州七百二十里南至容州四百二十五里北至象州
二百一十里東北至龔州大同縣界二百二十五里西南
泝流至貴州二百二十五里西北至象州陸路二百一
十里東南至廢繡州八十里又至所屬阿林縣一百二
十里土產銀貢 輿地廣記潯州五代為南漢所有
方輿勝覽梁嵩郡人南漢時狀元及第仕至翰林學士
故龔以公為大魁歷顯仕因獲蠲一郡
之丁賦以迄於今郡人感公立白馬廟

惠

南漢

南漢

南漢

南漢

南漢

太平寰宇記惠州本循州之舊理地廣南僞漢劉龔乾
亨元年移循州於雷鄉縣於此置滇州仍割循州之歸
善博羅海豐河源四縣以屬之州境東西一千六十二
里南北七百七十二里西北至東京水陸四千九百七
十里西北至西京水陸五千七百七十八里東至梅州
九百五十七里西至廣州四百二里南至大海一百一
十里西北至虔州一千四百九十里東南至潮州八百三
里西南至廣州東莞縣三百五十里東北至虔州一千
四百九十里西北至廣州增城縣一百七十七里土產
羅浮山柑子貢又循州唐末劉鋹割據僞號乾亨元
年分歸善博羅海豐河源四縣爲滇州今只領龍川興
寧二縣州境東西一百五十里南北二百五十里北至
東京約五千六百里西北至西京約五千四百五十里
西北至長安約六千四百里東至梅州二千四百六十
里西至英州七百八十里南至虔州約一千一百四十
里東南至潮州七百五十里西南至滇州六百七十五
里東北至汀州約七百里西北至韶州九百里龍川縣舊
雷鄉縣廣南劉龔僞號乾亨六年改爲龍川縣仍移州
就縣古趙佗城西接岳山南臨利水興寧縣漢龍川縣
地晉元興中置興寧縣治平源僞漢劉龔移於舊縣西

鬱林

南漢

南漢

南漢

南漢

南漢

六十里地名長樂卽今理
年日循州五代時南漢改曰
歸善縣南漢改曰南漢
漢屬循州海豐縣南漢屬
復置以爲循州治焉方輿
循州立禎州通鑑注南漢
徙循州治焉以循州舊治
循州南漢以歸善博羅海
縣南漢改以歸善博羅海
置禎州以歸善海豐博羅
與地廣記惠州唐武德元

太平寰宇記州境東西九
北至東京六千一百里東
長安取象桂州路六千六
至容州一百五十里不通
里西至太平軍石康縣地名
舊牢州九十里西南至太
容州四里西北至貴州八
廣記鬱林州五代時爲南
文獻通考唐鬱林

州後廢石
南潭栗

英

南漢

劉龔

南漢

南漢

南漢

太平寰宇記州境東西四百七十里南北三百八十里
新置州圖經未有至東西京里數東至滇州河源縣分
水嶺三百里西至連州至陽山縣界七十五里南至
州翁源縣一百四十五里東南八十里大驛路下
至廣州上至韶州其路有風門嶺險不通鞍馬

雄

南漢

劉龔

南漢

南漢

南漢

太平寰宇記州境東西一百一十五里南北九十
里至東京三千五百三十里西北至長安圖經上未
有數東至虔州信豐縣界一百二十八里西至韶州
江縣界七十五里南至韶州翁源縣桂嶺爲界一百
十五里北至虔州大庾嶺八十二里東南至虔州界
一百二十八里西南至韶州曲江縣界一百二十里

瓊

南漢

南漢

南漢

南漢

南漢

太平寰宇記州境缺北至東京水陸七千五百里
東京水陸七千四百三十里西至長安水陸八千五百
里東至文昌縣極大海一百二十里東至萬安州五百
里西至儋州五百里北十五里極大海泛大船使西風
帆三日三夜到地名崖門從崖門入小江一日至新
會縣從新會縣入或便風十日到廣州路經黎硎州皆
海之險路約風水為程如無西南風無由渡海却迴船
本州石鑊水口駐泊候次年中夏西南風至方可行船
西南至大海一百七十里西北至舊崖州二百六十里
西南至舊振州四百五十里土產金貢與地廣記瓊
州五代為南漢所有方輿勝覽瓊州南海志云劉氏
置鐵柱十二文獻通考瓊州五代時省會口顏羅

崖

南漢

南漢

南漢

南漢

南漢

太平寰宇記崖州本振州也皇朝開寶六年割舊崖州
之地隸瓊州却改振州為崖州州境缺北至東京七千
六百八十五里北至西京七千七百九十七里北至長
安八千六百六里東至瓊州四百五十里西南至大海
一十五里南至大海二十七里西至儋州四百二十里
東至萬安州安陵縣一百六十里土產金貢與地廣

古今事考卷之二十一 地理

記振州五代爲南漢所有南漢時省延德臨川落屯
三縣 文獻通考唐振州南漢省延德臨川落屯

儋 南漢 南漢 南漢 南漢

太平寰宇記州境東西六百六十里南北三百六十五
里西北至東京七千九百六十八里西北至西京八千
五百四十七里東至瓊州樂會縣界射狼山三百二十
里西至舊振州延德縣界白沙三百四十七里南至舊
州界馬鞍嶺三百四十里北至大海二十五里西南至
大海四十五里東北至舊崖州澄邁縣界合橋三百七
十里西南至大海八十五里又東北至廣州二千三百
七十里若泛海乘船使便風至廣州七日七夜如無便
風卽不可到土產金貢 輿地廣記儋州五代爲南漢
所有富羅南漢省之方 輿勝覽儋州五代爲南漢所
有矣峻靈王廟蘇子瞻作廟碑云自徐聞渡海歷瓊至
儋耳又西至昌化縣西北有山秀峙海上石峰巉然若
巨人冠帽西南向而坐者里人謂之山賂膊而僞漢之
世封其山神鎮海廣德王五代之末南夷有望氣者曰
是山有寶氣上達於天艤舟其下斲山發石以求之夜
半大風浪駕其舟空中碎之石峰下故夷皆溺死 文

獻通考儋州
南漢廢富羅

萬安

南漢

南漢

南漢

南漢

南漢

太平寰宇記州境東西三百八十四里南北二百五十
七里北至東京陸路七千三百里西北至西京水陸路
七千五百里西北至崖州三百二十里併陸路南至海四十
三十里北至瓊州四百五十里土產金貢
州五代爲南漢所有故富雲博遼二縣唐貞觀五年置
南漢皆省之方輿勝覽萬安軍城
文獻通考萬安州南漢省富雲博遼

羅

南漢

南漢

南漢

南漢

南漢

潘

南漢

南漢

南漢

南漢

南漢

太平寰宇記茂名縣梁開平元年
改爲越裳縣後唐同光初復舊

勤

南漢

南漢

南漢

南漢

南漢

瀧 南漢 南漢 南漢 南漢

太平寰宇記廢瀧
州土產石斛舊貢

辯 南漢 南漢 南漢 南漢

太平寰宇記州境東西三百一里南北三百七十九里
北至東京五千五百九里北至西京五千九百三十里
西北至長安取恩州路六千四百九十里西至白州三百
百二十里南至淡州水灣雷界一百九十五里東至廣
州一千一百四十四里北至高州茂名縣界一百八十八
里東南至碣州抵大海二百二十里西南至廢羅州一
百三十里又梅州本漢州程鄉縣廣南偽漢乾和三年升
十里 爲敬州仍領程鄉縣皇朝開寶四年平廣南以名犯國
諱改爲梅州州境東西二百三十八里南北二百四十
四至圖經無入到北至東京七千里北至西京七千四
百里東至潮州三百里西至循州二百三十九里北至
虔州七百二十里北至廣州九百九十八里 輿地廣
記辯州五代爲南漢所有潮州五代爲南漢所有又程

鄉縣唐屬潮州南唐立敬州方輿勝覽僞漢劉氏割
潮之程鄉縣置敬州文獻通考潮州南漢以程鄉置
恭州又梅州南漢以潮州程鄉縣置恭州輿地廣
記思唐州石晉天福初改州日思化漢初復舊又龔
州五代爲南漢所有又
貴州五代爲南漢所有

汴州唐故曰宣武軍梁以汴州爲開封府建爲東都後
唐滅梁復爲宣武軍晉天福三年升爲東京漢周因之

五代會要梁開平元年四月二十三日勅升汴州爲東
京置開封府以開封浚儀兩縣爲赤縣其餘屬縣爲畿
縣後唐同光元年十二月復降開封府爲宣武軍節度
晉天福三年十月勅汴州宜升爲東京置開封府以開
封浚儀兩縣復爲赤縣其餘屬縣爲畿縣太平寰宇
記開封府梁開平元年升爲東京置開封府後唐同光
元年復爲汴州以宣武軍爲額晉天福三年又升爲東
京置開封府漢周至于皇朝並因之輿地廣記開封
府梁以州建國升爲東京開封府後唐復爲汴州宣武
軍晉復升爲東京開封府漢周及皇朝因之文獻通

考開封府梁都之爲開封府號東都後唐爲汴州宣武軍罷東都晉復爲開封府號東京

洛陽梁唐晉漢周常以爲都唐故爲東都梁爲西都後

唐爲洛京晉爲西京漢周因之五代會要晉天福三年十月勅改東都爲西京

太平寰宇記河南府朱梁開平初都汴州廢西京爲雍州仍改東京爲西京後唐同光元年復爲東都晉高

祖天福三年又都汴州此爲西京自漢周至于皇朝皆因之與地廣記河南府梁唐晉漢周常以爲都梁開

平元年改爲西京後唐爲洛京晉爲西京漢周及皇朝皆因之

雍州唐故上都昭宗遷洛廢爲佑國軍梁初改京兆府

曰大安佑國軍曰永平唐滅梁復爲西京晉廢爲晉昌

軍漢改曰永興周因之五代會要京兆府梁開平元年四月改京兆府爲大安府仍置

祐國軍節度使始命韓建爲祐國軍節度使至二年五月勅改祐國軍爲永平軍後唐同光元年十二月廢永

平軍額復為西京京兆府晉天福七年十月勅改西京
為晉昌軍漢乾祐元年三月改晉昌軍為永興軍太
平寰宇記雍州朱梁開平元年都汴改此為佑國軍府
為大安府二年改為永平軍後唐同光初復為西京京
兆府晉天福中改為晉昌軍漢乾祐初改為永興軍其
京兆府仍舊與地廣記京兆府昭宗遷洛廢為佑國
軍梁初改京兆府曰大安佑國軍曰永平軍後唐復為
西京晉廢為晉昌軍漢改曰永興軍長安志梁開平
元年改京兆府曰大安二年改軍曰永平後唐同光元
年復為西京府曰京兆晉天福元年改軍曰晉昌漢乾
祐元年改軍曰永興其府名仍舊本朝因之張禮遊
城南記注唐開元元年改雍州為京兆府以京城為西
京天祐元年昭宗東遷降為佑國軍梁開平元年改府
曰大安越二年改軍曰永平後唐同光元年復為西京
晉天福元年改軍曰晉昌漢乾祐元年改軍曰永興其
府名皆仍舊有宋因之文獻通考京兆府梁為佑國
軍節度大安府俄改為永平軍後唐復為
西京府名仍舊晉改晉昌軍漢改永興軍

曹州故屬宣武軍節度晉開運二年置威信軍漢初軍

廢周廣順二年復置彰信軍

五代會要曹州晉天福二年十月升為威信軍節度

至漢天福十二年六月降為刺史至周廣順元年七月復升為彰信軍節度以鄆州隸之

晉天福十二年降為刺史周廣順二年復升彰信軍與地廣記曹州晉號為威信軍節度漢罷之周改彰

信軍文獻通考曹州梁以考城屬開封府晉升為威信軍節度周改彰信軍

宋州故屬宣武軍節度梁初徙置宣武軍唐滅梁改曰

歸德五代會要宋州梁開平三年五月升為宣武軍節度割毫輝潁三州隸之至後唐同光元年改為歸

德軍太平寰宇記宋州開平初升為防禦州三年升為宣武軍後唐同光元年改為歸德軍

應天府梁宣武軍節度後唐改歸德軍與地廣記宋州梁為宣武軍節度後唐改歸德軍

府梁為宣武軍節度後唐改歸德軍

陳州故屬忠武軍節度晉開運二年置鎮安軍漢初軍

廢周廣順二年復之

五代會要陳州晉開運二年十月升為鎮安軍節度至漢天福十二

年六月降為刺史周廣順元年正月升為防禦州二年七月復升為鎮安軍節度以潁州隸之太平寰宇記

陳州晉天福六年升為防禦州開運二年升為鎮安軍漢天福十二年降為刺史周廣順元年又升為防禦州

二年復為鎮安軍節度與地廣記陳州晉開運二年置鎮安軍節度漢初軍廢周廣順二年復之文獻通

考陳州晉為鎮安軍節度

許州唐故曰忠武梁改曰匡國唐滅梁復曰忠武

五代會要

許州梁開平二年改為匡國軍後唐同光元年十月復為忠武軍與地廣記許州唐忠武軍節度梁改為匡

國軍唐滅梁復曰忠武文獻通考許州唐為忠武軍節度梁改正國後唐復為忠武

滑州唐故曰義成以避梁王父諱改曰宣義唐滅梁復

其故

五代會要滑州唐光啟二年四月改為宣義軍節度至後唐同光元年十月復為義成軍太平寰

宇記滑州光啟二年改爲宣義軍避梁祖諱後唐同光元年復爲義成軍與地廣記滑州唐義成軍節度後避梁王父諱改曰宣義軍後唐復故文獻通考滑州後唐復爲義成軍

襄州唐故曰山南東道唐梁之際改曰忠義軍後以延

州爲忠義襄州復曰山南東道五代會要襄州晉天福七年降爲防禦州直屬

京所管均房二州割隸鄧州以安從進叛命初平故也至漢天福十二年六月復舊爲山南東道使

鄧州故屬山南東道節度梁破趙匡凝分鄧州置宣化

軍唐改曰威勝周改曰武勝五代會要鄧州梁開平三年五月升爲宣化軍節度

割泌隨復鄧四州隸之與襄州分江心爲界至後唐同光元年改爲威勝軍周廣順二年三月改爲武勝軍避

諱也冊府元龜廣順元年三月詔鄧州後梁開平三年爲武勝軍避御名也太平寰宇記鄧州後梁開平三年爲

宣化軍節度後唐同光初年改爲威勝軍周廣順二年改爲武勝軍與地廣記鄧州梁升爲宣化軍節度後

唐改曰威勝周改曰武勝文獻通考鄧州梁為宣化軍節度後唐改威勝軍周改武勝軍

安州梁置宣威軍唐改曰安遠晉罷漢復曰安遠周又

罷五代會要安州後唐同光元年改為安遠軍節度至晉天福五年七月降為防禦使所管新州割隸許州

以李金全叛命故也至漢天福十二年六月復為安遠軍節度至周顯德元年十月又降為防禦州太平寰

宇記安州梁為節鎮唐同光元年改為安遠軍節度晉

天福五年以安州自為藩鎮繼有兵戍宜降為防禦州

以李金全叛入僞唐初平定故也天福十二年復為安

遠軍周顯德元年又降為防禦州輿地廣記安州後

唐升安遠軍節度方輿勝覽安州梁置宣威軍後唐

改安遠軍節度文獻通考安州後唐安遠軍節度

晉州故屬護國軍節度梁開平四年置定昌軍貞明三

年改曰建寧唐改曰建雄五代會要晉州梁開平四年四月升為定昌軍節度以絳

沁二州隸之至後唐同光元年改為建雄軍太平寰宇記晉州梁開平四年升為定昌府節度後唐同光元

年爲建雄軍輿地廣記晉州梁開平四年升定昌軍
後唐同光元年改曰建雄軍文獻通考晉州梁爲定
昌軍節度後
唐改建雄軍

金州故屬山南東道節度唐末置戎昭軍已而廢之遂

入于蜀至晉高祖時又置懷德軍尋罷

五代會要金州晉天福四年五

月升爲懷德軍節度至漢天福十二年復降爲防禦州
太平寰宇記金州晉天福四年升爲懷德軍節度九
年降爲防禦州元豐九域志金州晉懷德軍節度
後降防禦輿地廣記金州石晉升懷德軍尋罷

陝州唐故曰保義梁改曰鎮國後唐復曰保義

五代會要陝州

梁開平二年改爲鎮國軍節度至後唐同光三年復爲
保義軍文獻通考陝州唐保義軍節度梁改鎮國軍

後唐復

華州唐故曰鎮國梁故曰感化後唐復曰鎮國

五代會要華州

初爲威化軍至後唐同光元年改爲鎮國軍至顯德元年八月降爲刺史直屬京太平寰宇記華州梁爲威化軍後唐同光元年改爲鎮國軍周顯德元年降爲刺史與地廣記華州梁爲威化軍後唐改爲鎮國軍文獻通考華州唐鎮國軍節度使梁改威化軍後唐復爲鎮國軍

同州唐故曰匡國梁改曰忠武後唐復曰匡國太平寰宇記同

州梁改爲忠武軍後唐同光初復舊周顯德六年降爲刺史元豐九域志同州唐匡國軍節度周降軍事

輿地廣記同州梁曰忠武軍文獻通考同州梁改忠武軍

耀州本華原縣唐末屬李茂貞建爲耀州置義勝軍梁

末帝時茂貞養子溫韜以州降梁梁改耀州爲崇州義

勝曰靜勝後唐復爲耀州改曰順義五代會要耀州梁貞明元年十二月

改爲崇州升爲靜勝軍節度至後唐同光元年改爲順義軍至二年三月降爲團練州至周顯德二年降爲刺

史直屬京 太平寰宇記耀州唐末李茂貞據鳳翔僭
行墨制建置耀州仍為義勝軍節度使割同州美原為
鼎州以屬郡溫韜為節度使梁貞明元年韜降於梁
乃改耀州為崇州義勝軍為靜勝軍又改鼎州為裕州
依舊以溫韜為節度使後唐同光元年改為耀州順義
軍并割雍州之富平三原雲陽同官美原以屬焉三年
降為團練州周顯德中降為刺史 輿地廣記耀州天
祐三年枝王李茂貞墨制置耀州仍升義勝軍節度梁
末帝時茂貞養子溫韜以州降梁梁改為崇州靜勝軍
後唐同光元年為耀州以為順義軍華原縣唐末李茂
貞據馮翊僭行墨制建為耀州以溫韜為節度使唐諸
陵在其境內者悉發掘之郭崇韜以為劫陵賊長安
志天祐三年李茂貞據鳳翔僭行墨制以華原縣置耀
州建義勝軍節度領華原一縣析同州美原縣為鼎州
以為屬郡梁貞明元年改耀州為崇州義勝軍為靜勝
軍鼎州為裕州後唐同光元年復為耀州名順義軍析
雍州之富平三原雲陽同州之同官美原五縣屬焉三
年降為團練州周顯德中降為刺史州通鑑注唐末
溫韜為盜據華原縣李茂貞以華原為州韜為刺史尋
改耀州 文獻通考耀州唐末李茂貞以京兆華原縣

置耀州義勝軍節度領縣一梁改崇州靜勝軍後唐復
為耀州順義軍以京兆府之富平三原雲陽同州之同
官美原五
縣來屬

延州故屬保大軍節度梁置忠義軍唐改曰彰武與地廣記

延州梁號忠義軍後唐改曰彰武文獻通考唐延州為衛國軍節度梁改忠義軍後唐改彰武軍

魏州唐故曰大名府置天雄軍五代皆因之後唐建鄴

都晉漢因之至周罷大名府後唐曰興唐晉曰廣晉漢

周復曰大名五代會要大名府後唐同光元年四月升魏州為東京都督府曰興唐府元城縣為

興唐縣貴鄉縣為廣晉縣至三年三月改為鄴都興唐

為次府天成四年五月勅先升魏州為鄴都有留守皇

城使及宮殿諸門園亭名額並廢晉天福二年九月改
興唐府為廣晉府與唐縣為廣晉縣三年十一月勅魏
州廣晉府復升為鄴都置留守廣晉元城兩縣為赤縣
其餘屬縣為畿縣開運二年四月勅鄴都依舊為天雄

軍節度管內觀察處置等使鄴都留守廣晉尹周廣順
元年六月以大名府元城縣爲赤縣顯德元年正月廢
鄴都留守依舊天雄軍大名府爲京兆府之下其屬縣
地望官吏品秩並同京兆府太平寰宇記魏州後唐
同光元年升爲東京興唐府三年改爲大名府周顯德
元年依改爲廣晉府漢乾祐元年改爲大名府周顯德
元年依舊爲天雄軍節度其大名府額仍列在京兆府
之下輿地廣記魏州後唐建鄴都晉漢因之至周罷大
名府後唐曰興唐晉曰廣晉漢周復曰大名文獻通考
魏州梁爲天雄軍節度後唐改爲東京興唐府俄改魏
都府周罷都復爲天雄軍

澶州故屬天雄軍節度晉天福九年置鎮寧軍五代會

晉天福三年十一月勅升爲防禦隸相州移理所於德
勝渡至九年八月升爲節度號鎮寧軍以濮州隸之
太平寰宇記澶州唐節度使田承嗣奏置澶州領頓邱
清豐觀城臨黃四縣梁及後唐皆以刺史理之晉天福
三年升爲防禦州仍自舊州移於此夾河造舟爲梁至
九年升爲鎮寧軍節度漢乾祐元年移就德勝寨故基

置周世宗又移于今理 輿地廣記晉天福中移濮陽縣於澶州南郭爲治所九年升鎮寧軍節度 文獻通考澶州晉爲鎮寧軍節度

相州故屬天雄軍節度梁末帝分置昭德軍而天雄軍

亂遂入于晉莊宗滅梁復屬天雄晉高祖置彰德軍五代

會要相州梁正明元年三月魏博節度使楊師厚薨乃割相州建節尋軍亂以地歸後唐莊宗却爲屬郡隸魏州至天福三年十月復升爲彰德軍節度以澶魏二州隸之 太平寰宇記相州梁貞明元年魏博節度使楊師厚卒乃以相州置昭德軍尋軍亂以地歸于後唐莊宗入魏遂却爲屬郡依舊隸魏州晉天福三年復升爲彰德軍節度 輿地廣記相州唐屬天雄軍節度梁分置昭德軍而天雄軍亂遂入于晉莊宗滅梁復屬天雄晉高祖置彰德軍 文獻通考相州梁爲昭德軍節度後唐降爲軍事晉爲彰德軍節度

邢州故屬昭義軍節度昭義所統澤潞邢洺磁五州唐

末孟方立為昭義軍節度使徙其軍額于邢州而澤潞

二州入于晉方立但有邢洛磁三州故當唐末有兩昭

義軍梁晉之爭或入于梁或入于晉梁以邢洛磁三州

為保義軍莊宗滅梁改曰安國五代會要邢州梁開平

節度割洛惠二州隸之至後唐同光元年改為安國軍

太平寰宇記邢州梁開平二年為保義軍節度使唐

同光元年改為安國軍輿地廣記邢州梁升保義軍

節度後唐改為安國軍文獻通考邢州梁為保義軍

改安國軍鎮州故曰成德軍梁初以成音犯廟諱改曰武順唐復

曰成德晉又改曰順德漢復曰成德五代會要鎮州晉

為順國軍節度改恒州為恒山郡應軍額館驛帶恒山

名者並改為恒州以安重榮叛命初平故也至漢天福

十二年八月却並復為成德軍。太平寰宇記：鎮州梁
因唐制為成德軍節度使。唐同光初改為北都。其年復
為成德軍。晉天福七年改為恒州。順德軍以安重榮叛
命初平故也。漢天福十二年復為成德軍。輿地廣記
鎮州唐成德軍節度。五代時曰真定府。梁以諱改曰武
順。後唐復曰成德。晉曰順德。漢復曰成德。周及皇朝因
之。文獻通考：真定府後唐為北都。真定府俄罷都復
為成德軍。晉改為常州。順國軍漢復為成德軍。真定府
應州故屬大同軍節度。唐明宗即位以其應州人也。乃
置彰國軍。五代會要：應州後唐天成元年七月升為彰
廣記：應州唐末置。唐天成元年升彰國軍節度。通鑑
唐天成元年七月己卯置彰國軍於應州。注：新舊唐書
地理志未載有應州。歐史職方考始有應州。故屬大同節
度而不載其建置之始。意晉王克用分雲州置應州也。
九域志：化外州。應州領金城、混源二縣。竊意金城即
明宗所生之地。金鳳城置縣也。今置彰國軍節度亦以
帝鄉也。匈奴須知應州東至幽州八百五十里。又薛史
周密傳：神武川屬應州。蓋朱耶執宜徙河東始保神武。

川之黃花堆沙陀由是而基伯業故以其地置應州也

又彰國以興唐之寰州隸之

文獻通考應州金城

後唐明宗其縣人也故升

彰國軍而以金城爲望縣

新州唐同光元年置威塞軍

五代會要新州後唐同光

度以媯儒武三州隸之

與地廣記新州後唐同光二

年升威塞軍節度通鑑注晉置威塞軍於新州後遂

爲節鎮文獻通考新州後唐同

光二年升威勝軍節度屬河東道

府州晉置永安軍漢罷之周復

五代會要府州漢天福

度至乾祐三年四月降爲團練州至周顯德元年五月

復舊軍額太平寰宇記府州今理府谷縣本河西蕃

界府谷鎮土人折大山折嗣倫代爲鎮將後唐莊宗天

祐七年有河朔之地將興王業以代北郡屬爲邊患於

是升鎮爲府谷縣至八年麟州刺史折嗣倫男從阮招

回紇歸國詔以府谷縣建府州以扼蕃界仍授從阮爲

府州刺史尋以契丹與小蕃侵擾移州於留得人堡卽

今州理是也晉高祖起義以契丹有援立之恩賂以雲

中河西之地盡去焉契丹欲盡徙河南之民以實遼東
人心大擾從阮出師明年春從阮率兵深入連拔十餘砦
遣使詔從阮出師明年春從阮率兵深入連拔十餘砦
漢祖建號晉陽引兵南下從阮率衆歸之尋升府州爲
永安軍析振武之勝州并沿河五鎮以隸焉乾祐元年
從阮舉族入覲朝廷命其子德辰爲府州團練使周顯
德元年升府州爲節鎮復以永安軍爲軍額就拜折德
展爲節度使顯德二年夏州李彝興以上壤相接府州
惡其與己並爲蕃鎮乃扼塞道路阻絕使臣世宗因問
宰臣如何已並爲蕃鎮乃扼塞道路阻絕使臣世宗因問
府州甚爲逼小近建節旄得之何利失之何害且宜撫
諭彝興上曰折德辰之數年竭盡心力禦捍劉崇如何
一旦棄之度外且夏州雖產羊馬博易資貨悉在中原
倘與阻絕何能爲者乃命使資詔書責其悖慢諭以安
危彝興果俯伏聽命與地廣記唐末置府州後唐莊
宗以雲中人折從阮爲刺史晉出帝時從阮以兵攻契
丹取其城堡十餘漢高祖天福十二年置永安軍以從
阮爲節度使明年入朝拜從阮子德辰爲本州團練使
自此折氏世守府州文獻通考府州唐末爲河西蕃
界之地於此置府谷鎮屬麟州土人折大山嗣倫代爲

鎮將後唐莊宗以代北諸部屢為邊患乃升府谷為縣
八年麟州刺史折嗣倫男從阮招回紇歸國詔以府谷
縣建府州仍授從阮刺史尋為契丹侵擾晉高祖賂契
丹以雲中河西之地契丹欲遷河西之民實遼東人心
大擾從阮因保險扼之少帝絕契丹詔從阮出師從阮
乃深入拔十餘砦漢時從阮歸命升府州為永安軍周
顯德元年復升府州為節度仍以
永安為額拜從阮子德展為刺史

并州後唐建北都其軍仍曰河東

太平寰宇記并州後唐同光元年莊宗即

位於魏州改太原為西京以鎮州為北都三年改太原府為北京後為偽漢所據歐陽脩明因大師塔記至唐基并以興世為北京及朱氏有中土後唐倚并為雄亦卒以王既而晉祖又以王漢又以王遣時之故相次出三天子劉崇父子又自為國

潞州唐故曰昭義梁末帝時屬梁改曰匡義歲餘唐滅

梁改曰安義晉復曰昭義

五代會要潞州梁龍德三年改為匡義軍節度以李繼韜

歸順故也後唐同光元年復為安義軍至長興元年二月復舊名昭義軍太平寰宇記潞州梁龍德三年改為匡義軍以李繼韜歸順故也後唐同光元年改為安義軍長興元年依舊名昭義軍文獻通考潞州梁改正義軍後唐改安義軍俄復為昭義軍

廬州周世宗克淮南置保信軍太平寰宇記廬州後唐

五年改為保信軍與地廣記廬州唐長興二年升為

昭順軍節度周顯德五年改為保信軍方輿勝覽廬

州後唐陞為昭順軍節度周世宗改為保信軍節度

文獻通考廬州吳昭順軍節度周改保信軍

壽州唐故曰忠正南唐改曰清淮周世宗平淮南復曰

忠正五代會要壽州後唐天成三年十月升為忠正軍

節度太平寰宇記壽州後唐天成三年為順化

軍節度周顯德三年平淮南降為防禦州舊理壽州縣

仍移州於潁州之下蔡縣為理所與地廣記壽州後

唐天成三年升為忠正軍節度周顯德中自壽春徙治

潁州之下蔡縣周世宗伐南唐克壽春乃自壽春

徙州治此壽春縣周世宗伐南唐劉仁贍固守不降世宗以其難克遂徙州治下蔡而復其軍曰忠正軍曰吾以旌仁贍之節也方輿勝覽壽州後唐升為順化軍節度南唐改為清淮軍周平淮南徙壽州治下蔡以清淮軍為忠正軍自此州治始在淮北而舊州廢為壽春縣仍隸焉文獻通考壽州吳忠正軍節度周以潁州下蔡來屬徙州治焉在淮北

五代之際外屬之州揚州曰淮南宣州曰寧國太平寰宇記唐

永泰置池州宣州自後為寧國節度皇朝因之輿地廣記宣州吳升為寧國軍節度文獻通考宣州吳寧

國軍節度使鄂州曰武昌洪州曰鎮南方輿勝覽洪州唐後

加鎮南福州曰武威元豐九域志福州唐威武軍節度

復舊方輿勝覽唐末王湖之弟審知入福州升為威武軍周改威武為彰武軍文獻通考福州周改彰武

軍宋為威武軍淳熙三山志周廣杭州曰鎮海越州順元年改為彰武軍避周太祖諱

曰鎮東

方輿勝覽越州唐末升義勝軍節度尋改爲鎮東軍施宿會稽志節度使自唐末五代以來

漸及東南爲姑息割據之術於是節鎮不勝其繁然尤各有支郡其後四方僭竊則又擅置名號不錄於職方獨錢氏擅有兩浙猶尊事中朝凡大事皆請命而中朝亦曲從之故境內節鎮尤多用以命其子弟若抗之爲宰海越之爲鎮東最其大鎮也久之自尊但爲國王而以宰海鎮東授其子至其納土越東猶領鎮東軍節度而朝廷以寵親王將江陵府曰荆南益州梓州曰劔南相或外戚無歸鎮者

東西川遂州曰武信

文獻通考遂州前蜀武信軍節度

興元府曰山南

西道洋州曰武定

文獻通考洋州蜀爲武定軍節度

黔州曰黔南

太平寰宇

記黔州天復三年之後僞蜀割據移黔南就涪府以道路僻遠就近也

方輿勝覽唐末陞武泰軍潭州唐末馬氏據

桂州曰靜江

輿地廣記桂州唐末升靜海軍容州曰宰節度爲楚馬氏所有後入南漢

遠

輿地廣記容州五代爲南邕州曰建武
漢所有升爲寧遠軍節度
州與地廣記邕

漢

所有升爲
廣州曰清海
元豐九域志廣州清
海軍節度後入爲漢
皆唐故

號更五代無所易而今因之者也其餘僭偽改置之名

不可悉考而不足道其因著于今者略注于譜

通鑑注案歐公

之時去五代未遠十國僭僞自相署置其舊時節鎮之

名已無所考况欲著之於二三百之後乎今台州有

魯洵作杜雄墓碑云唐僖宗光啟三年陞台州爲德化

軍洵乃雄吏時爲德化軍判官者也又嘉定中黃巖縣

永寧江有泗於水者拾一銅印其文曰台州德化軍行

營朱記宋太祖乾德元年錢昱以德化軍節度使本路

安撫使兼知台州台州小郡猶置節度其它州郡從可

知矣吳之昌化威武蓋亦置之境內屬城但不可得而

考其地耳通鑑唐明宗紀東川兵陷徵合巴蓬果五

州

注編攷隋唐地理志五代職方考元豐九域志皆無

徵

濟州周廣順二年置割鄆州之鉅野鄆城兗州之任城

單州之金鄉爲屬縣而治鉅野太平寰宇記濟州唐末

順二年平兗州迴至鉅野因詔于此復置濟州仍割兗

州之任城中都鄆州之金鄉等縣隸之其年十二月又

割鄆州鄆城縣隸之中都却入鄆州與地廣記周別

置濟州於鄆州之鉅野任城周廣順二年來屬金鄉周

廣順二年來屬鄆城周廣順二年來屬文獻通考濟

州周復置以鄆州之鉅野鄆城兗州之任城金鄉四縣

隸之

單州唐末以宋州之碭山梁太祖鄉里也爲置輝州已

而徙治單父後唐滅梁改輝州爲單州其屬縣置徙傳

記不同今領單父碭山成武魚臺四縣

太平寰宇記單州朱梁開平初

單父縣置鄆州後唐同光二年改鄆爲單州碭山縣梁

升爲輝州仍以爲赤縣又併入單父縣移此後唐同光

二年復舊與地廣記單州單父後唐改為單州碭山
朱全忠先縣人也光化二年表置輝州三年徙治單父
後唐屬單州成武後唐屬單州通鑑光化三年注是
年朱全忠表以宋州之碭山虞城單父曹州之成武置
輝州即單州之封域也文獻通考單州唐光化二年
朱全忠奏以宋州碭山虞城單父曹州之成武置輝州
梁以楚邱還屬宋州後唐改
為單州以兗州魚臺來屬

耀州李茂貞置治華原縣梁初改曰崇州唐同光元年

復為耀州

解州漢乾祐元年九月置割河中之聞喜安邑解三縣

為屬而治解太平寰宇記解州本蒲州解縣唐天授二

之封域有鹽池之利漢乾祐元年蒲帥李守貞反權鹽
制置使鄭元昭奏請于解縣置解州以捍凶渠于是授
鄭元昭為刺史仍割蒲之安邑絳之聞喜與解縣為三
邑以屬焉與地廣記解州自唐以上地理與河中府

同漢乾祐元年割河中之聞喜安邑解三縣置解州解
縣漢乾祐元年置解州聞喜縣漢乾祐元年來屬安邑
縣漢乾祐元年來屬文獻通考解州五代漢
以河中府解縣置州又以安邑聞喜二縣來屬

威州晉天福四年置割靈州之方渠寧州之木波烏嶺

三鎮爲屬而治方渠周廣順二年改曰環州顯德四年

廢爲通遠軍原注五代置軍六皆寄治於縣隸於州故

皇朝軍監始自置屬縣與州府並列矣五代會要顯

德二年七月廢環州爲通遠軍冊府元龜廣順元年

三月靈武屬郡宜改爲環州避御名太平寰宇記通

遠軍本西蕃界靈州方渠鎮晉天福四年建爲威州仍

割寧州木波馬嶺二鎮隸之至周廣順二年避御名改

爲環州顯德四年以地里不廣人戶至簡降爲通遠軍

管通遠一縣并木波石昌馬嶺等三鎮徵科人戶元

豐九域志環州唐靈州方渠鎮晉置威州周改環州後

降通遠軍與地廣記晉天福四年復置威州割靈州

之方渠寧州之馬嶺木波三鎮爲屬而治方渠周廣順

二年改曰環州顯德四年廢爲通遠軍改方渠爲通遠
縣通鑑注宋白曰通遠軍本麟州方渠鎮晉天福四
年改爲威州仍割木波馬嶺二鎮隸之周廣順二年避
諱改爲環州顯德四年降爲通遠軍文獻通考環州
石晉以靈州方渠鎮置威州以寧州木波馬嶺二
鎮隸焉周改爲環州後降爲通遠軍置通遠縣
乾州李茂貞置治奉先縣太平寰宇記乾州今理奉天
貞建爲乾州乾寧中以覃王出鎮建爲威勝軍割奉天
好時武功盩厔醴泉等五縣以隸焉至莊宗同光年中
改爲刺史屬鳳翔其武功醴泉二縣還京兆府盩厔入
鳳翔只領奉天好時二縣至明宗天成三年又割好時
還京兆府只領奉天一縣長安志天祐中李茂貞墨
制以奉天縣復乾州領奉天一縣梁乾化中升爲威勝
軍析奉天好時武功盩厔醴泉五縣以隸焉後唐同光
二年罷軍名復爲乾州屬鳳翔府領奉天好時二縣其
武功醴泉二縣還京兆府盩厔入鳳翔天咸三年領奉
天一縣其好時還京兆府文獻通考乾州唐末李茂
貞以京兆府奉天縣置乾
州領縣一梁爲威勝軍

磁州梁改曰惠州唐復曰磁州太平寰宇記磁州天祐三年勅以與西慈州同

名改為惠天祐十三年却復為磁州文獻通考磁州唐更名惠州後唐復名磁州

景州唐故置弓高周顯德二年廢為定遠軍割其屬安

陵縣屬德州廢弓高縣入東光縣為定遠軍治所五代

顯德二年六月廢景州為定遠軍所管東光弓高兩縣隸滄州安陵縣隸德州太平寰宇記定遠軍景福元

年復於弓高置景州管東光安陵二縣天祐五年移州治於東光縣周顯德二年廢景為定遠軍縣屬滄州至

六年併弓高縣入東光縣元豐九域志唐景州周降為定遠軍隸滄州與地廣記景州周降為定遠軍屬

滄州東光周顯德二年為定遠軍治所周顯德二年州廢省弓高入東光安陵周復屬後省入將陵文獻通

考景州周降為定遠軍屬滄州以安陵隸德州廢弓高

濱州周顯德三年置以其濱海為名初五代之際置權

鹽務于海傍後為贍國軍周因置州割棣州之渤海蒲

臺為屬縣而治渤海

太平寰宇記濱州今理渤海縣本贍國軍周顯德三年三月升為州

仍割棣州之渤海蒲臺兩縣屬焉

與地廣記濱州自

唐虞以下地理與涿州同初五代之際置榷鹽務於海

傍後置贍國軍周世宗顯德三年置以其濱海為名割

棣州之渤海蒲臺為屬縣而治渤海通鑑注帝置濱

州領渤海招安二縣文獻通考濱州本棣州渤海蒲

臺二縣後唐以其地斥鹵置榷鹽務漢改贍國軍周建

州為

雄州周顯德六年克瓦橋關置治歸義割易州之容城

為屬尋廢

太平寰宇記雄州今理歸義縣本涿州歸義縣之瓦子濟橋在涿州南易州東當九河之

末舊置瓦橋關周顯德六年收復三關以其地控扼幽

薊建為雄州仍移易州之容城并歸義二縣於城中歸

義縣本涿州之屬邑在州北唐末移于瓦橋晉建軍城

周世宗收復三關立雄州於此與地廣記雄州晉時

人于契丹周克復之置雄州歸義晉時入于契丹周顯
德六年屬雄州尋廢通鑑注瓦橋在涿州歸義縣南至
莫州三十里宋白曰瓦橋亦謂之瓦子濟橋在涿州南
易州東周顯德收復三關以其地控幽薊建為雄州
文獻通考雄州本唐涿州瓦橋在易水之東當九河之
末其地控扼幽薊晉陷契丹周克復建為州置歸義縣
以易州容城來屬自周世宗以來西河之地置三關霸
州益津關雄州瓦橋關瀛州高陽關分置重兵與真定
府定州相犄角歸信唐歸義縣隸涿州周置於瓦橋關
太平興國初改有拒
馬河容城唐縣周廢

霸州周顯德六年克益津關置治永清割莫州之文安

瀛州之大城為屬太平寰宇記霸州今理永清本上谷郡地星分箕尾幽州之古益津關也

晉天福初陷虜廷周顯德六年收復因置霸州并永清

縣仍割莫州之文安瀛州之大城二縣隸焉永清縣本

幽州會昌縣唐天寶中改為永清縣即古益津關周顯

德六年收復三關遂于益津關建霸州仍置永清縣文

安縣周時改屬霸州大城縣周顯德六年割隸霸州今
 改名大城縣又破鹵軍古淤口關周顯德六年收復
 關南于此置寨至皇朝太平興國六年割霸州永清文
 安縣三百一十七戶屬焉元豐九域志信安軍本古
 淤口關也周世宗收關南於此置寨輿地廣記霸州
 晉時入于契丹周克復之置霸州文安周顯德六年屬
 霸州永清晉時入于契丹周世宗克益津關置霸州治
 永清縣大城縣五代時置屬瀛州周顯德六年屬霸州
 又周顯德六年世宗北伐取淤口關置寨屬霸州
 演繁露周世宗由滄州北順水而行先降益津關次瓦
 橋關次瀛州以瓦橋關為雄州益津關為霸州文獻
 通考霸州本唐幽州永清縣地後置益津關晉陷契丹
 周復以其地置霸州以莫州
 之文安瀛州之大城來屬

通州本海陵之東境南唐置靜海制置院周世宗克淮
 南升為靜海軍後置通州分其地置靜海海門二縣為

屬而治靜海
 太平寰宇記通州自唐以前地理與泰州
 同南唐李氏於海陵縣之東境置靜海制

置院周顯德中世宗克淮南升爲軍後以爲通州靜海
縣隨州置管鹽場入古橫江在州北元是海天祐年中
沙漲今有小江東出大海海門縣本東洲鎮因洲升爲
海門縣元豐九域志通州下古跡本海陵之東境僞
唐立爲靜海制置院周顯德中升爲軍尋建爲通州仍
分其地爲二縣以隸之與地廣記通州自唐以前地
理與泰州同南唐李氏置靜海制置院周顯德中世宗
克淮南升爲軍後以爲通州靜海縣本海陵之東境周
顯德中置海門縣本海陵之東境置周顯德中置方輿
勝覽南唐李氏於海陵之東境置靜海都鎮制置院周
世宗建靜海軍爲通州通鑑注南唐於海陵之東境
置靜海都鎮制置院周取其地置靜海軍尋升爲通州
通州南至大江二十四里絕江而南卽吳越之蘇州界
宋白曰靜海軍本揚州狼山鎮地南唐於狼山北立靜
海制置院周得之建爲軍尋升爲通州文獻通考通
州本唐鹽亭場南唐立爲靜海制置院周升爲靜海軍
屬揚州俄改爲州析其地爲靜海海門二縣以隸焉州
之東北正係海口南接大江領縣二治靜海靜海周縣
海門縣

筠州南唐李景置割洪州之高安上高萬載清江四縣

為屬而治高安馬令南唐書保大十年春正月分洪州高安縣置筠州割清江萬載上高屬焉

太平寰宇記袁州萬載縣本高安縣地偽吳順義元年分為高安建城康樂高侯等四鄉置萬載場因其鄉

以名其地去高安路遠偽唐保大十年升高安縣為筠州遂升萬載場為縣以屬焉令割隸袁州清江縣本吉

州蕭灘鎮偽唐昇元年中以其地當要衝升為清江縣以大江清流為名仍析高安之建安脩德兩鄉吉州新

淦之易陽一鄉以實焉又筠州偽唐保大十年再置筠州高安上高萬載清江等四縣高安縣偽唐再置筠

州為郭下縣上高縣本高安縣之上高鎮以地形高上改曰上高偽唐昇元年中立為場保大十年升為縣以

隸筠州輿地廣記高安五代時以其地置萬載縣屬洪州後屬筠州又南唐李景置筠州高安南唐復置

筠州上高縣五代時置屬洪州南唐屬筠州有八疊山斜口水清江縣五代時置屬洪州南唐屬筠州通鑑注

上高在洪州高安縣界宋置上高縣屬筠州在州西南九十五里宋白曰上高縣本高安縣之上鎮以地形高

上故曰上高南唐昇元中立上高場保大十年升為縣
文獻通考筠州南唐以高安置筠州仍置上高萬載

清江三縣隸之又
清江南唐縣有大江

劍州南唐李景置割劍州之延平劍浦富沙三縣為屬

而治延平為陸游南唐書保大三年是歲升建州延平津

太平寰宇記唐永平鎮偽唐保大四年立為延平軍因

析沙縣建安順昌等縣所管交溪上陽員當逐吝芹哨

富沙等六里戶口共成九里為軍額至保大六年升為

劍州仍割古田縣積善賴溪二里共一十一里為劍浦

縣又割沙縣順昌九溪等縣來屬劍浦縣偽唐保大四

年析沙縣建安順昌縣內交溪上陽員當逐吝芹哨富

沙等六里戶口共成九里為延平軍至保大六年升為
劍州仍以古田縣積善賴溪兩共一十一里為劍浦縣
沙縣偽唐隸劍州九溪縣偽唐保大六年割屬劍州
元豐九域志南劍州後唐劍州與地廣記南唐李景
立劍州亦曰劍浦郡劍浦縣本延平晉屬建安郡後省
五代置及劍浦縣南唐立劍州初治延平後徙劍浦而

延平省入有延平津順昌縣南唐置方輿勝覽南劍
州五代王審知以爲延平鎮審知子延翰改爲永平鎮
又改爲龍津縣王延政僭位於建州國號大殷以將樂
縣爲鑪州延平鎮爲鐔州南唐分延平劍浦富沙三縣
置劍州皇朝以利路亦有劍州乃加爲南劍州尤溪隸之
三山志漢乾祐元年是歲改鐔州爲劍州以尤溪隸之
文獻通考閩以建州永平鎮置鐔州及龍津縣後州
廢南唐改延平鎮爲劍州以汀州之沙縣福州之
尤溪來屬又升永
順場爲順昌縣

全州楚王馬希範置以潭州之湘川縣爲清湘縣又割

灌陽縣爲屬而治清湘理與地廣記全州自後唐以前地

王馬希範奏置全州湘川楚又改爲清湘而置全州灌

陽縣石晉時來屬方輿勝覽五代晉高祖時割永州

之湘源縣爲清湘縣置全州割永之清湘灌陽二縣隸

焉文獻通考全州晉天福中馬希範奏以永州湘源

縣置州以灌陽來屬

秀州吳越王錢元瓘置割杭州之嘉興縣為屬而治之

太平寰宇記秀州本蘇州嘉興縣地晉天福四年於此

置秀州從兩浙錢元瓘之所請也仍割嘉興海鹽華亭

三縣并置崇德縣以屬焉與地廣記石晉時吳越錢

氏奏置秀州嘉興縣五代屬杭州吳越王錢元瓘奏置

秀州有胥山吳郡志晉天福五年割嘉興縣為秀州

秀州吳郡圖經續記五代時分蘇州嘉興海鹽二縣晉天福四年置秀州

秀州文獻通考晉時以嘉興海鹽華亭三縣置秀州

又秀州晉天福中吳越王錢元瓘奏以蘇州嘉興海鹽華亭置秀州

雄州南漢劉龔割韶州之保昌置治保昌韶州偽漢乾

和四年割瀋昌始興二縣置雄州又南雄州本始興

郡瀋昌縣地廣南偽漢乾和四年於此置雄州仍割瀋

昌縣始興縣以屬焉皇朝以北有雄州此加南字瀋昌

縣廣州偽命建雄州此縣屬焉與地廣記五代時南

漢立雄州保昌縣本瀋昌唐屬韶州南漢立雄州方

輿勝覽五代劉氏割據割韶之瀋昌始興二縣置雄州

文獻通考南漢以
韶州保昌縣置雄州

英州南漢劉龔割廣州之滇陽置治滇陽

太平寰宇記英州本廣州

滇陽縣地有滇陽之水注於滇陽峽漢舊縣梁改為東

衡州隋開皇十五年廢州為滇陽縣屬涇州廣南僞漢

乾和五年於此置英州與地廣記五代時南漢立英

州方輿勝覽英州五代時僞南漢竊據嶺表於真陽

縣置英州通鑑注漢主劉龔分滇陽縣置英

州文獻通考南漢以廣州真陽縣置英州

開封府故統六縣梁開平元年割滑州之酸棗長垣鄭

州之中牟陽武宋州之襄邑曹州之考城更曰戴邑許

州之扶溝陽陵陳州之太康隸焉唐分酸棗中牟襄邑

陽陵太康五縣還其故晉升汴州為東京復割五縣隸

焉

五代會要晉天福三年十月勅應舊制開封府管屬縣分並可仍舊太平寰宇記襄邑縣唐初置杞州

貞觀元年州廢縣入宋州自朱梁與晉改屬開封府
縣梁改為戴邑縣後唐復舊自梁至晉漢屬開封府
武縣朱梁與晉隸開封府中牟縣朱梁與晉隸開封府
垣縣朱梁與漢割屬開封府酸棗縣朱梁與晉隸開封府
扶溝縣朱梁與晉割屬開封府
封太康縣晉屬開封府與地廣記中牟梁與晉割屬開封府
來屬後唐同光初還之晉
平二年來屬酸棗梁開平元年來屬唐同光初還之晉
天福中復來屬長垣梁復日長垣來屬扶溝梁開平元
年來屬鄆陵唐屬許州梁開平元年來屬後唐同光初
還之晉天福中復來屬襄邑梁開平元年來屬開封府
唐同光初還之晉天福中又屬開封府文獻通考開平元年
來屬太康梁開平元年屬開封府
梁以滑州之酸棗長垣鄭州之中牟陽武宋州之襄邑
曹州之戴邑許州之扶溝陽陵陳州之太康九縣來屬
後唐以酸棗襄邑陽陵太康五縣屬諸州晉復為開封
府號東京以五縣還隸焉
考城梁改戴邑後唐復

雍邱晉改曰杞漢復其故長垣唐改曰匡城
太平寰宇記雍邱縣

晉避諱改爲杞漢初復故

地廣記長垣後唐又曰匡城

黎陽故屬滑州晉割隸衛州文獻通考滑州晉以黎陽來屬

葉襄城故屬許州唐割隸汝州

楚邱故屬單州梁割隸宋州文獻通考宋州梁以輝州楚邱來屬

密州膠西故曰輔唐梁改曰安邱唐復其故晉改曰膠

西太平寰宇記密州安邱縣梁開平二年改爲安邱縣後唐改爲輔唐縣晉天福七年改爲膠西縣避國諱

今復改爲安邱縣

渭南故屬京兆周改隸華州太平寰宇記渭南縣周顯德三年自京兆割隸華州

南輿地廣記華州渭南周顯德三年來屬長安志渭南縣大定元年廢鴻州併鴻門入渭南縣隸雍州周顯

德三年析隸華州文獻通考京兆府周以渭南屬華州

同官故屬京兆府梁割隸同州唐割隸耀州太平寰宇記同官縣

屬雍州唐貞觀初又屬宜州十七年州廢還京兆府後唐割隸耀州輿地廣記同官梁開平三年屬同州後

唐同光初屬耀州文獻通考梁以同官奉先二縣屬同州後唐又以同官美原屬耀州

美原故屬同州李茂貞置鼎州而治之梁改爲裕州屬

順義軍節度後不見其廢時唐同光三年割隸耀州太平

寰宇記美原縣咸亨二年復置仍改爲美原縣卽今理後唐中割屬耀州輿地廣記美原縣天祐三年李茂

貞置鼎州梁改爲裕州屬順義軍節度後不見其廢時唐同光三年割屬耀州文獻通考耀州美原唐縣梁

改裕州後唐復爲縣

平涼故屬涇州唐末渭州陷吐蕃權于平涼置渭州而

縣廢輿地廣記唐寶應元年渭州沒吐蕃元和四年以原州之平涼縣置行渭州後唐清泰

三年以故平涼之安國耀武兩鎮置平涼縣屬涇州

臨涇故屬涇州唐末原州陷吐蕃權于臨涇置原州而

涇州兼治其民後唐清泰三年割隸原州

輿地廣記唐廣德元年原

州沒吐蕃置行原州於靈臺之百里城正元十九年徙治平涼元和二年又徙治臨涇元屬涇州後唐清泰三

年割屬原州文獻通考原州唐廣明後復沒吐蕃乃以涇州臨涇縣僑置原州五代因之又涇州後唐以

平涼置渭州

臨涇置原州

鄜州咸寧周廢

文獻通考鄜州周廢咸寧

稷山故屬河中唐割隸絳州

太平寰宇記稷山縣唐末屬河中府後唐同光二年

割隸絳州文獻通考絳州後唐以河中府稷山來屬

慈州忤城呂香周廢

輿地廣記伍城周顯德三年省呂香周顯德三年省文獻通考慈

州周廢件城
呂香二縣

大名府大名唐故曰貴鄉後唐改曰廣晉漢改曰大名

五代會要漢乾祐元年改廣晉府為大名府廣晉縣為
大名縣 太平寰宇記大名縣後唐改名廣晉漢乾祐

初為大名 輿地廣記貴鄉後唐更名廣晉漢乾祐初
改為大名 文獻通考大名後魏貴鄉縣後唐改廣晉

漢改
今名

滄州長蘆乾符周廢入清池 輿地廣記長蘆周省入清
池乾符周省入清池 文

獻通考周廢長蘆 無棣周置保順軍 太平寰宇記保順
乾符二縣入清池 軍本滄州無棣縣

之保順鎮周顯德六年
建為軍以舊鎮為名

安陵故屬景州周割隸德州

澶州頓邱晉置德清軍 五代會要天福六年改澶州頓
邱鎮為德清軍鎮使為軍使其

年九月以新修胡梁渡爲大通軍初置浮橋故也
平寰宇記德清軍理陸家店地本舊澶州晉天福三年
移澶州于德勝寨乃于舊澶州置頓邱鎮取縣爲名至
四年晉幸天雄軍改鎮爲德清軍開運二年十一月又
移德清軍于陸家店置在新澶州之北七十里輿地
廣記晉天福四年以頓邱爲德清軍通鑑注晉時置
德清軍於澶州清豐縣在州北六十里宋白曰德清軍
本舊澶州地晉天福三年移澶州於德勝寨乃於舊澶
州置頓邱鎮取縣爲名至四年改鎮爲德清軍開運
元年移德清軍於陸家店在新澶州之北七十里

博州武水周廢入聊城文獻通考博州周廢武水入聊城

博野故屬深州周割隸定州太平寰宇記博野縣周顯德二年割屬定州輿地

廣記博野周屬定州文獻通考定州後周以深州博野來屬

武康故屬湖州梁割隸杭州輿地廣記湖州武康梁屬杭州

福州閩清梁乾化元年王審知于梅溪場置太平寰宇記唐貞觀

元年割侯官縣一十里為梅溪場至乾化元年割侯官縣改為閩清縣與地廣記閩清縣朱梁乾化九年王

審知於梅溪場置有竹山鍾湖淳熙三山志乾化元年以梅溪場為閩清縣

蘇州吳江梁開平三年錢鏐置縣梁開平三年兩浙奏

析吳縣於松江置吳越備史開平三年秋閏八月勅置蘇州吳江縣從王請也與地廣記吳江縣朱梁開

平三年吳越錢鏐奏於松江置吳江縣上承太湖更運笠澤吳地記後集吳江縣梁開平三年錢氏奏請於

松江置文獻通考蘇州梁時吳越王錢鏐奏置吳江縣吳江梁縣有吳江運河

明州望海梁開平三年錢鏐置縣太平寰宇記明州定海

年吳越王錢鏐以地濱海口有魚鹽之利因置望海縣後改為定海縣吳越備史開平三年秋閏八月勅置

明州靜海縣從王請也與地廣記明州定海縣本望海縣朱梁開平三年吳越錢鏐奏置屬明州後改曰定

海縣有大浹江寶慶四明志定海吳越王錢鏐復置靜海鎮梁開平三年置望海縣隨改為定海文獻通

考明州梁時吳越王奏置望海縣

處州長松故曰松陽梁改曰長松

太平寰宇記本松陽梁開平四年改為長

松縣又改為白龍縣

吳越備史天福四年八月戊申

白龍見處州長松縣改為龍泉縣輿地廣記松陽楊

氏據江淮於是吳越錢氏上言以海寇未

平耻聞逆姓請改為長松後又改白龍

潭州龍喜漢乾祐三年馬希範置

五代史漢乾祐二年秋七月辛亥湖南奏

析長沙縣東界為龍喜縣從之

天長六合故屬揚州南唐以天長為軍六合為雄州周

復故

太平寰宇記天長軍本古之千秋縣唐元宗開元中

以誕辰為千秋節遂改縣為天長縣晉天福年

雄州國朝既克江南降雄州為天長軍領縣事元豐

九域志淮南唐書昇元六年閏正月甲申朔改天長制置

使為建武軍文獻通考揚州天長唐
縣偽唐置建武軍改雄州周改天長軍

漢陽故屬鄂州周置漢陽軍五代會要顯德五年六月

時初平淮南之地以江為界太平寰宇記漢陽軍周

顯德五年平淮南與江南畫江為界以漢陽漢陽縣地置漢川縣以屬

州以漢陽縣置漢陽軍仍析漢陽縣地置漢川縣以屬

焉元豐九域志周以鄂州漢陽縣地建軍領縣一入

蜀記沔州廢漢陽以縣隸鄂州周世宗平淮南得其地

復以為軍輿地廣記漢陽縣屬鄂州周置漢陽軍

方與勝覽周世宗以漢陽漢川二縣置軍
漢陽軍唐沔州後廢州以漢陽隸鄂州周平淮南得其

地建為軍又周以

漢陽漢川屬漢陽

漢川故屬沔州周割隸安州太平寰宇記漢川縣周顯

德五年平淮南畫江為界

江南以漢陽漢川二縣在大江之北故先進納世宗因

以漢川隸安州輿地廣記漢川唐武德四年析漢陽

置漢川縣屬沔州州廢屬鄂州周

屬安州文獻通考漢川隸安州

襄州樂鄉周廢入宜城

太平寰宇記襄州宜城縣廢樂鄉太平寰宇記襄州宜城縣廢樂

輿地廣記樂鄉周廢入宜城文獻

通考襄陽府唐襄陽郡周廢樂鄉縣

襄陽郡周廢樂鄉縣

鄧州臨湍漢改曰臨瀨太平寰宇記南陽縣廢臨湍縣

改為臨瀨縣避廟諱今廢入懷州

輿地廣記鄧州故臨瀨縣唐天寶元年復名臨湍漢改曰臨瀨菊潭

向城周廢太平寰宇記南陽縣廢菊潭縣唐開元二十四

年割內鄉之北界以置因菊潭水以名縣周顯德五年

併入臨瀨縣廢向城縣周顯德三年廢入臨瀨今又入

穰縣輿地廣記菊潭唐屬鄧州周省之文獻

通考登州周廢菊潭縣南陽縣周廢向城縣入焉

復州竟陵晉改曰景陵

太平寰宇記景陵縣漢竟陵縣

廣記竟陵郡石晉天

福初改為景陵郡

監利故屬復州梁割隸江陵

太平寰宇記監利縣晉太

監利故屬復州梁割隸江陵

康五年立監利縣屬南郡

梁開平三年以荊州割據遂屬荊州章華縣在縣郭內文獻通考江陵府梁以復州監利來屬

唐州慈邱周廢文獻通考唐州周廢慈邱縣

商州乾元漢改曰乾祐割隸京兆太平寰宇記乾祐二年又屬京

兆便以年號名縣長安志漢以商州乾祐來屬文獻通考京兆府乾祐唐乾元縣後漢改

洛南故屬華州周割隸商州文獻通考華州周以洛南屬商州

隨州唐城梁改曰漢東後唐復舊晉又改漢東漢復舊

太平寰宇記隨州唐城縣後梁改為漢東縣漢復為唐城古唐城自梁乾元三年改為漢東縣後唐同光元年

復為唐城晉朝天福元年又改為漢東縣漢乾祐元年却改為唐城縣與地廣記隨州唐城梁改為漢東後

唐復故晉又改為漢東漢又復故文獻通考唐城唐縣梁改漢東後唐復

雄勝軍本鳳州固鎮周置軍五代會要顯德六年十一月以鳳州固鎮為雄勝軍

通鑑注固鎮在青泥嶺東北

秦州天水隴城唐末廢後唐復置太平寰宇記秦州隴

興三年於歸化鎮復置天水縣唐末廢後唐長興三年

於南治縣鎮置縣界無山有水一派北流入長道縣界

鎮為治所秦州天水縣後唐長興三年復置以赤沙

以地震移成紀之敬新川改天水郡還治上邽復為秦

州又置天水縣屬秦州徙治成紀而上邽廢唐末復置

石晉時徙治赤沙川文獻通考秦州天水後唐置

成州栗亭後唐置太平寰宇記成州後唐於栗亭鎮置

秦三年六月秦州置栗亭縣與地廣記後唐清泰三

年置栗亭縣屬成州文獻通考成州後唐又置栗亭

縣

自唐有方鎮而史官不錄於地理之書以謂方鎮兵戎

之事非職方所掌故也然而後世因習以軍目地而沒

其州名

原注若今永興本節度軍名而今命守臣遂日知永興軍府事而不言雍州京兆是也

又

今置軍者徒以虛名升建爲州府之重此不可以不書

也州縣凡唐故而廢於五代若五代所置而見於今者

通鑑地理通釋五代置軍六皆寄治於縣隸於州

及縣之割隸今因之者皆宜

列以備職方之考其餘嘗置而復廢嘗改割而復舊者

皆不足書山川物俗職方之掌也五代短世無所遷變

故亦不復錄而錄其方鎮軍名以與前史互見之云

五代史記卷第六十下